

KHORO NDI THUKHU

 Ndi a ni livhuwa, Murathu Neville. Ndi a ni livhuwa. Ndi zwavhuđi nga maanda u vhuya Nduni ya Murena. Tshifhinga tshothe ndi a diphina nga u vhuya thaberenakeļeni, hu sa londwi uri ndi yafhi. Hu na tshiňwe tshithu nga ha afha fhethu huťuku ha kale hune nda takalela u vhuya hone. Hu tou vha, oo, ndi... Tsho vha tshi tshivhidzo tshanga tsha u thoma nahone tshi tshothe tshe nda vhuya nda tshi lisa. Huno zwi tou vhonala zwi zwavhudí u vhuya fhano hafhu. Huno ndi a tenda uri nga ayo matsheloni mahulwane musi đuvha li tshi hana u penya huno tshedza tsha dzinaledzi tshi tshi puta, ndi a tenda uri hu do vha na vhaňwe vha bvaho kha ino thaberenakele vha no do vha hone henengei nga ilo đuvha, vhe vha ḫanzwiwa Malofhani a Ngwana. Ndo lavhelesa itsho tshifhinga.

² Ndi tshi fhira lufherani zwenezwino, ndo ḫangana na Khaladzi Arganbright ngei murahu. Huno o vha a tshi khou mmbudza uri ho vha hu na vhaňwe vhathe fhano vhe vha vha vhe muťanganoni wa Kingston, vhe vha dala nga itsho tshifhinga, huno nda...o...ro takala nga maanda u vha navho fhano sa vhuťanzi. Huňwe na huňwe hune vha vha hone, arali vha tshi do imisa zwanda zwavho, vhe vha vha vhe muťanganoni wa Kingston ngei Jamaica. Fhedzi, iina, murahurahu hangei. Zwo luga, izwo zwo luga.

³ Ndi vhona garača ya poswo ya Oral. Ndi a humbulela no no di đivhadza miťangano yawe. A tho ngo dzi đivha, dzidatamu, u swika mulovha. Ndi elekanya uri u thoma nga la rathi, naa a zwo ngo ralo? U bva nga la rathi u khunyeledza nga la fumiňhanu, Mukomana Roberts ngei Louisville. Zwino, iyani u mu pfa. Mukomana Roberts ndi khonani yanga khu-khulu, mulanda wa vhukuma wa Kristo. Huno ndi na ngoho ya uri ni do diphina nga milaedza yawe, vhusiku na vhusiku. Huno i... yawe, a tshi rabelela vhalwadze, ndi—ndi na ngoho ya uri ni do vhona Mudzimu a tshi shuma, ngauri ndi swole ḫihulwane la lutendo, Mukomana Roberts, nahone munna ane Mudzimu a khou mu shumisa nga maanda. Huno mushumo wawe wo no gonya u bva...

⁴ Ndi a elelwa musi ndi tshi ḫangana na Mukomana Roberts, o vha e denndeni ḫukhu ya mathatha hangei St. Louis, Missouri, huno ndo vha...hai, Kansas City, Missouri. Huno ndo vha ndi Kansas City, Kansas, holoni khulu. O vha o dzula tshidzuloni tsha phanda. Nga murahu ha musi tshumelo yo no fhela, ro mona murahu huno ra vha ri tshi khou amba. Vha nnđivhadza ene. Ndi muswa kha nqe; Oral u kha ya mahumi maňa a whilulaho a yawe. Huno ngauralo o ri, “Naa ni elekanya uri Mudzimu u do pfa thabelo yanga ya vhalwadze?”

6 Nda ri, "Mukomana, U do pfa thabelo ya muthu muñwe na muñwe a no do rabela." Zwo ralo, a ḥuwa, huno a ri, "Hafha ndi a ḥuwa!"

5 Huno ndi munna o thanyaho nga maanđa, na pfunzo ya kholidzhi, miñwaha miña ya saikholodzhi, huno ndi na ngoho ya uri ndi—ndi munna o talifhaho. Huno o swika fhethu hune zwino u na tshitafu tsha vhaeletshedzi vho mu tingeledzaho, na zwithu, u swika, musi a tshi amba, u—u a zwi elekanya. Huno zwa vhukuma ni do diphina ngae, ndi na ngoho.

6 Huno ngauralo zwino ndi ṭodou ḥea fhedzi muvhigo muñuku nga ha zve Murena washu a ita muñanganoni washu wo ṭukufhalaho mutuku ngei Jamaica na ngei Puerto Rico. Tsho vha tshithu tshi kanukisaho ndo ya hangei, ngauri thingo nnzhi dzi a dzhena. Vhunga Leo fhano a tshi zwi ḫivha, uri luñingo... Huno vhege i tshi bvela phanda, zwavhudivhudu hu na mafhethu a mađana a no founa malugana na miñangano. Fhedzi naho zwe ralo ndi takalela u dipfa ndi tshi rangwa phanda hune nda ya, ndi ya zwi funa. Arali ndi tshi ya ngauri muñwe munna o rumela muñwe uri ndi de, zwenezwo ndi da nga dzina la itsho tshivhidzo kana ilo dzangano. Arali ndi tshi do ya ngauri Murathu Neville o ri ndi tea u ya, ndi do tea u ya nga dzina la Murathu Neville. Fhedzi ndi takalela u ya musi Yesu a tshi rumela, ngauralo ni nga kona u ya nga Dzina la Murena Yesu, u ḫangana na vhathu.

7 Huno ndo vha ndo edela mmbeten, huno ndo vha ndo neta zwitiku. Ili govha, hu si kale kana ngavhuya, ndi do tea u tutshela ili govha, ngauri li khou tou kwashekanya mukulo wanga u swika fhethu hune a thi tsha kona u zwi kondelela. Ndi nga ḥuwa nahone nda vhuya... Ro da linwe duvha, nñe na Leo, kha maela dza fuiña, nga murahu ha musi ro vha ri vhunwenweni ngei Florida, mukulo wa vulea tshothe, huno kha maela dza fuiña dza Louisville wa thiyha hafhu. Mukomana Banks Wood u tea u vha fhano huñwe fhethu matsheloni ano. Huno linwe duvha ndi tshi dzhena ndi tshi bva Kingston na—na Puerto Rico, he mukulo wanga wa vha wo no tou fhelela; huno nda tsa kha bufho, u tshee wo luga; nahone ri sa athu swika Jeffersonville, wa vala hafhu. Ni a vhona, ndi govha hafha. Ndi zwitshili tuyani, kana hu nga vha hu Mudzimu, tshinwe, tshi no lingedza u n̄tuwisa. Ngauralo, a—a thi zwi pfesesi. Ndo rabela nahone nda humbela zwifhinga zwinzhi.

8 Fhedzi, naho zwe ralo, ndi kha di bva u vuwa, yo vha i tshi ṭodou rwa awara ya vhuraru n̄tha ha tshithoma nga matsheloni. Huno mufumakadzi wanga na mutukanyana vho vha vho edela. Huno nda vuwa kha lurumbu lwa mmbete, huno nda vhona nomboro khulwane ya vhathu vhe vha vha vho kuvhangana fhethu huhulwane, huno nda ri kha Billy Paul, "Inwi džhenani ngomu heneffo huno ni nee avho vhathu garađa dza thabelo."

⁹ Huno a ri, “Ho luga, khotsi.” Nga miniti i si gathi a vhuya, huno a ri, “Vha nga si nee garata dza thabelo kha avho vhathu.” A ri, “Vha a vhona uyu munna o imaho hafha?”

Nda ri, “Ee.”

¹⁰ A ri, “O vha e hangeno, huno nda ri, ‘Muñwe na muñwe a no toða garaña ya thabelo, takusani zwanda zwañu.’” Huno ha pfi, “Ndo ya u mu nea garaña ya thabelo, a ya huiwe fhethu-vho. Huno zwenezwo nda ya hangei, huno o vha e huiwe fhethu-vho. Zwino ngoyu murahurahu hangeno.” Ha pfi, “A thi koni na u nea na garaña ya thabelo na nthihi.”

¹¹ Nda ri, “Zwo luga, Billy, a ni nga tei u nea garaña dza thabelo, ngauri hu na tshikhala tshihulwane tsho raloho u swika muñwe na muñwe a tshi kona...” Garaña dza thabelo ndi dza u thivhela mufhirifiri...ni a vhona, na u ita uri vha langee. Nda ri, “Oo, ndi nga isa muñwe na muñwe henengei, hu si u fhirisa vhane vha vha hone kha tshikhala tshine nda vha natsho, huno nda vha itisa muduba huno nda vha rabelela nga muthihi nga muthihi.”

¹² Huno a ri, “Zwo luga.” Huno a rembulutshela kha tsha u la huno a tuwa kha nne. Huno nda rembulutshela thungo *iysi* musi a tshi ya thungo *iyo*, nahone ndo mu sedza.

¹³ Huno nda pfa Ipfi li tshi tsa li tshi bva Taðulu, huno la ri, “Fhedzi nga tshino tshifhinga Ndi do thoma u u takulela nthia.” Huno nda sedza, huno na kathihi a thi athu vhona gogo lo raloho, vho vha vha tshi da sa sambi vha tshi bva huñwe na huñwe.

¹⁴ Huno dzina la Mukomana Roberts la vhidzwa, ha pfi, “Zwino Mukomana Oral Roberts u khou da u u vhona.”

Huno nda ri, “Naa ndi do lumelisa hani Mukomana Roberts?”

Ha pfi, “Nga ndila i fanaho na ine a u lumelisa ngayo.”

¹⁵ Ndi zwone, nda vhona Mukomana Roberts a tshi khou da o ambara swuthu ntswu, na muñadzi muñuku u no nga une Bing Crosby a ambara, uho u petea huñuku nthia na u kokodzelwa fhasi, muñadzi muñuku mutswu. Huno ndo vha ndo ima hu no nga nthia, huno a sedza nthia a ri, “Ri a vusa, Mukomana Branham.”

Huno nda ri, “Ri a vusa, Mukomana Roberts,” nda mu khada.

Ha pfi, “Ni na gogo lavhudí.”

¹⁶ Nda ri, “Li tou vha gogo tshothe, Mukomana Roberts.” Huno a rembuluwa a tuwa nga ndila ye Billy a ita, kha tsha u la.

¹⁷ Huno nda elekanya, “Naa ndi khou yo amba navho ndi ngafhi?” Huno nda lingedza huñwe na huñwe u wana fhethu ha u ambela hone. Ndo vha ndi kha nzulele yo raloho, tshiñwe tshithu tshi re fhasi, lwe nda kundelwa u vhona hune ndi—ndi nga amba navho ndi hone.

Huno muńwe a ri, “Zwo luga, idani ngeno.”

¹⁸ Nda ri, “Ndi zwone, no kundelwa u vhona khwine henefho.” Huno nda thoma u budekanya afho fhethu. Huno nda elelwa izwi nga itsyo tshifhinga, nda ri, “Tshithu tshihulwane tshine nda tea u ita ndi u dzula ndi tshi ditukufhadza mibiluni yanga, tshifhinga tshothe, phanda ha Mudzimu na vhana Vhawe.”

¹⁹ Huno nda bva kha bono. Huno nda elekanya, “Naa izwo zwi amban? Khamusi zwi amba uri ri khou yo vha na zwo raloho... Kana naa ndi ngafhi—naa hu khou yo vha ngafhi?” Ni a vhona, nga tshiriwe tshifhinga, kha mabono, Ha ni vhudzi u tou ri ngafhi, U—U tou amba huno inwi ni tou... Zwi nga tshifanyiso, nga u ralo. Huno nne ndi na ngoho ya uri inwi a no vhala Bivhili ni a zwi pfectesa izwo.

²⁰ Huno zwenezwo nda ya lufherani lwa nga phanda huno nda dzula fhasi lwa tshifhinganyana, huno yo vhā i tshi ḥodou rwa hafu u bva kha awara ya vhuraru kana awara ya vhuna ntha ha tshithoma nga matsheloni. Nda thoma u vha na khofhe zwa vhukuma. Nda humela murahu huno nda edela, huno nda lora muloro, huno wo vha u muloro u mangadzesaho. Huno vhunzhi ha vhoiwi nothe ni a divha muńwe wa vhalangi, Jack Moore, Mukomana Jack Moore. Ndo mu divha lwa mińwaha. Ndo elekanya uri ndo vha ndo bva na ḥwananyana wawe, musidzana a no ḥodou vha na mińwaha ya fumisumbe, huno ndo vha ndi tshi khou mu fara nga tshanda, ndo mu ranga phanda a tshi gonya muvhundu, Jackie muńku. Ndi zwone, ndo mu divha u bva musi a tshi kha di tou vha lushie lu mamaho. Huno ndo vha ndo mu ranga phanda a tshi gonya muvhundu, huno nda tshimbila buloko tharū dza mudi muvhundu, ndo ranga phanda uyu musidzana. Huno ra da fhasi ha muri muhulu, huno a dzula fhasi. Huno vhunga vhunzhi ha vhasidzanyana vha mińwaha ya fumi ḥamusi vha tshi ambara zwikete zwine, ni a divha, zwa nga zwo khuduluwa, huno o vha o ambara tshirwē tsha ulwo lushaka lwa zwikete. Huno o dzhia itsyi tshikete tshirkuku huno a nga u a tshi ḥaramudza huno a dzula fhasi. Huno sa vhatu vhaswa kanzhi vha tshi sedzana, a peta zwanda zwawe nga ndila iyī huno a thoma u sedza ntha ngei lutomboni. Zwo ralo, Jackie ndi musidzanyana wavhudzi nga maanda, fhedzi u na mulomo muhuluhulu na mańo mahuluhulu, na mavhudzi a no nga a muvhala wa tshirulwane na mutswuku, ha kungesi, fhedzi mufumakadzi muńku wa vhukuma. Huno nda vhona mańo awe mahulu musi a tshi sedza lutomboni, na nga ndila ye tshivhonisa tsha lutombo tsha vha tshi mańoni awe.

²¹ Zwo ralo, nda tshimbila fiti dici no ḥodou swika ḥanu u bva khae, huno nda nga ndi a edela nga lurumbu nga ndila iyī, huno nda wana ḥanga huno nda li džhenisa mulomoni wanga,

huno nda thoma u tafuna ili ḫanga. Huno nda thoma u elekanya, “Naa ndi khou itani afha n̄tha? Mulandu, nne munna o aluwaho, nahone ndi na uyu musidzana muswa. Mulandu,” nda ri, “nne ndo mala nahone ndi na tshivhalonyana tsha vhana. A thi na muñwe mushumo-vho afha n̄tha na uyu musidzana muswa.”

²² Huno nda thoma u vuwa. Huno, musi ndo ita, Ipfi la da li tshi bva murini, huno la ri, “Izwi ndi u itela tshiga na u itela ndivho.”

²³ Huno nda vuwa, huno kañukuñuku nda ḫodou zhamba, mu—muloro u shushaho. Nda elekanya, “Oo, ndi a mangala arali izwo zwi tshi amba uri nne ndi khou yo gunea kana tshiniwe tshithu tshi do bvelela kha nne? Ndi zwone,” nda elekanya, “arali nda ya nda lingeda u shumisa ḫalukanyo yanga, zwenezwo ndi do ita uri i ḫanganane tshoþhe, ngauralo ndi do tou lindela Mudzimu.” Huno nda thoma u rabela. Nda ri, “Murena, naa uyo muloro wo tea lila bono la tshipiðani tsha u thoma tsha vhusiku, kana u ambanī?”

²⁴ Nga murahu ha u lindela lwa tshifhinganyana, khamusi lwa awara (Mufumakadzi wanga o vha o no di vuwa nahone o no lugisa vhuragane.), zwenezwo Ipfi la vhuya hafhu, huno la ri, “Iya Kingston, huno u do vhudzwa henengei zwine wa tea u ita.”

²⁵ Ngauralo, nga u ḫavhanya nda ya Kingston. Huno vho—vho zwi ðivha nga masiari a Lavhuña uri ndi do vha henengei nga Lavhuñanu. Iyo ndi yone khungedzelo yoþhe ye ra vha nayo. Nne a thi wavhudzhi kha u ita . . . ? . . . kana u anganyela magogo, ngauri kanzhi ndi a a hudzedza. Fhedzi vhusiku ha u thoma, ndi nga ri ro vha ri na vha no ḫodou swika fumimbili, oo, vhatu vha no ḫodou swika maðana a fumimbili, nn̄da, ngauri ho vha hu tshi khou tou ðivhea ðuvha lithihi. Huno ðuvha li tevhelaho vha thomisa vhagidimi vha no gidima maëla n̄na, kha ḫadu, u gonya dzithavha. Mugidimi muthihi o vha a tshi gidima lwa awara n̄na, huno zwenezwo a tendela muñwe mugidimi u gonya thavha. Huno vhusiku ha vhuvhili ho vha hu na vha no ḫodou swika zwigidi zwiñanu. Huno vhusiku ha vhuraru ha anganywa vha no todou swika zwigidi zwa fumithanu, khamusi fumbili. Huno hō do vha na vha zwigidi zwi tshi andiswa nga zwigidi vho ðaho kha Murena.

²⁶ Huno bono, lo vha li tshivhidzo tshiñuku, musidzana o vha e a songo kwamiwaho, a tshi tou vha ñwana, huno izwo zwo amba u sa kwamiwa ha tshivhidzo. Huno idzo buloko tharu dza mudi muvhunduni, dzo vha dzi maðuvha mararu ane nda do shuma khao. Huno u dzhia tshivhidzo tshiñuku tshi songo kwamiwaho nga mushumo wanga, u bva he tsha vha tshi hone, hu re n̄tha kha zwithu zwa Mudzimu, u swika u tshi dzinginyisa tshiñangadzime tshoþhe.

²⁷ Huno, oo, vhashumeli na vhatu u mona hoþhe, vha tshi khou lila na u humbelu na u kwengweledza, “Vhusiku vhuthihi kana vhuvhili hafhu,” vhaofisi vha mudi.

²⁸ Ra tuwa heneffo ra ya Puerto Rico. Henengei ra tangana na gundo lihulwane, la ntha, huno vha zwigidi zwi tshi andiswa nga zwigidi vha dadza luvhande, u swika hu tshi anganywa uri mimuya ya vhuthogwa ya zwigidi zwa fuiña yo da kha Murena Yesu. Huno hu tshi tuiwa, ndi a fhulufhela ndi... Ndi nga amba izwi kha tshihidzo tshanga, fhedzi ndo kundelwa u zwi ita vhathuni, u mona hothe hune vhathu vha haya vha si vhe hone, ngauri zwe vha zwi tshi nga sedzea zwe khakhea. Fhedzi ndi na dzina la muhatuli hafha kha tshipida tsha bammbiri, we a nea tshipitshi musi ri tshi tuwa, heneffha, ene na tshiṭafu tshawe.

²⁹ Huno ndi... O—o ri, “Ro tondwa tshiṭangadzimeni u vha na vhashumeli vho fhambanaho.” A ri, “Musi Vho-Billy Graham vha tshi kha di bva u tou tuwa tshiṭangadzimeni tshifhinganyana tsho fhiraho,” huno a ri, “ro vha na muṭangano wa vhu—vhugala,” a ri, “fhedzi Billy Graham vho tou ri disela Mafhungo-madifha eneo mathihi e ra a pfa tshifhinga tshothe.” A ri, “Zwenezwo ra tondwa u vha na Vho-Roberts tshiṭangadzimeni,” a ri, “huno Vho-Roberts vho ri nea muṭangano muhulwane wa mađuvha mararu. Fhedzi,” ha pfi, “tshinyalelo dzo vha dzi nthesa hodelani,” ha pfi, “ro sia dolara dza zwigidi zwa furaruṭhanu dza mađuvha mararu, dza tshinyalelo dza hodelani.” A ri, “Zwenezwo Vho-Osborn vho vha vhe fhano, vhe vha vha vhe mulanda muhulwane wa Kristo. Fhedzi,” ha pfi, “musi Vho-Osborn vho no tuwa, ho do vha na u latedziwa,” ha pfi, “ho vhonala hu tshi nga tshiñwe na tshiñwe tsho vha tshi si tsheeho.”

³⁰ “Fhedzi,” ha pfi, “ro dzhiela nzhele kha uyu muṭangano uri zwa vhukuma ho vha hu si na muthu kha pulatifomo we Mukomana Branham a vha a tshi nga mu rabelela. Fhedzi,” ha pfi, “nga murahu ha musi tshumelo dzo no fhela, ri do doba mihwalo ya thiraka ya zwidulo zwa kale na dzithonga na tshiñwe na tshiñwe, nnnda kha vhathetshelesi.” A ri, “Ho vha hu si muthu nga tshino tshifhinga, Mudzimu o da kha riñe,” a ralo.

³¹ Nda ri, “Ni songo lavhelela thabelo dzanga; fhedzi thabelo dzanu hangei nn̄da, vheanani zwanda zwanu.” Huno vha disa khamusi dazeni nthihi kana mbili kha pulatifomo, nahone, musi vhutalukanyi vhu tshi tsela fhasi, vhathu vha sokou zhamba. Ra dzula hodelani ya kilasi ya vhuna, huno ra badela tshinyalelo dzashu dzothe na dzindila, riñe vhañe.

³² No thusa u ita izwo, inwi muñe, nga zwafumi zwanu zwine na nthumela zwone. Izwo ndi zwe zwa zwi ita. Huno ndi toda ni tshi zwi divha uri, kha izwo zwothe, ni na mukovhe khazwo. Huno kha ḫuvha lihulwane la vhugala li no do da, Mudzimu u do ni pfufhela zwenezwo. Ni a vhonala, a no ngo vha na...

³³ Arali muthu ene muñe a tshi ya huno a ita tshiñwe tshithu, zwenezwo, ni a vhonala, musi uyo muthu a tshi tuwa, vha a

elekanya, "Ndi u laqedziwa huhulu, Mudzimu o ri tutshela." Mudzimu ha ni tutsheli. U na inwi tshifhinga tshothe. Ni a vhona, ndi inwi ane a vha khazwo sa muñwe-who, sa muñwe muthu. Mudzimu a nga di shumisa muthu kha muñwe mushumo, fhedzi izwo a zwi ambi uri uyo muthu u na thendelo ya u nanga kha Mudzimu. Ndi lutendo lwañu kha Mudzimu.

³⁴ Huno vho vha vha tshi ya ngei nn̄da nga zwigoloi zwa malinga a kale, vha dzhia malinga a no nga a kugoloi kwa lushie, huno—huno vha ita bodo, huno vha ejedza vhathu khayo huno vha vha sukumedzela ngomu. Huno nga murahu ha musi tshumelo yo no fhela, luvhande lwothe lwa mbambe lu do vulea, vha sokou tshimbila nga dzigoloi huno vha doba gariki thukhu dza kale na zwidulo zwihiulu zwa kale, na dzithonga na dzikhotho na mibete, na he vha sokou tshimbila nahone vha zwi sia, ngauri Vhuhone ha Murena ho vha vhu heneffho. Izwo ndi zwine ra toða u zwi vhona. Muthu ha vhaliwi-ha, Mudzimu u khou shuma.

³⁵ U vhuya, u thusa fhedzi zwino matsheloni ano, ndi khou yo amba nga miniti i si gathi. Huno ndo humbela vhatukana uri vha songo bvisa theiphi. Nga mađuvha mararu ndo lingedza u elekanya, "Naa ndi do amba nga ha mini?" Huno matsheloni ano, ndi sa athu ḥuwa, ndo pfa tsivhudzo ya vhukuma yo khwaṭhaho mbiluni yanga i yaho tshivhidzon. Huno nda vha vhudza, "Dzhiani theiphi, fhedzi ni songo dzi bvisa uri dici rengiwe."

³⁶ Fhedzi ri sa athu ita izwi, ndi do takalela u ni nea fhedzi vhutanzi vhuṭuku, uri vhu kone u ni thakha. Ho nthakha. Ro bva lwendu lwa u rea khovhe lwa mađuvha mararu, nne na Leo na Gene, na murwa wanga Billy Paul na mufumakadzi wawe, fhasi ngei ha khonani i no da fhano thaberanakejeni, i bvaho fhasi ngei Georgia. Huno vho ri dzhia vha ri isa kha lunwe lunwenwe, a thi divhi u tou ri ho vha hu ngafhi zwino, tsini na Okeechobee kana tshiñwe tshithu tshi no nga tshenetsho, a thi divhi dzina le ayo Maindia a Seminole a hu nea. Fhedzi, naho zwe ralo, ro vha ri murahu nga maela nnzhi.

³⁷ Huno uyu Mukomana Evans, mukomana wawe ndi muitazwivhi. Huno ndi murei muhulwane wa khovhe, huno o humela murahu vhuñwenweni kha miñwedzi i si gathi yo fhiraho. Huno a na tshire vha tshi vhidza "tshisele tsha fhasi." Huno tshisele tsha fhasi tsha mu luma, huno a tshila fhedzi nga huṭuku. Murado wawe wa zwimba, huno vha mu dzhia vha mu isa ha madokotela huno a mu nea dzidzhekiseni. Izwo zwithu zwi a vhulaha. Huno a na dzikhothomausi nnzhi na henengei murahu, khotthomausi, mukhasini, zwikokovhi zwihiulu zwe lapfaho u swika fithi dla fumbili.

³⁸ Huno musi ro vha ri tshi khou rea khovhe ngei murahu, nda fasha baso khulu. Oo, lo vha li ñuvha la vhukuma la—la u digeda. Huno yo vha i khulu nga maanda lwe nda kundelwa u i bvisa

madini, huno yo tou onyolosa tshihuka huno ya ḥuwa, kana ya difashulula. Huno ro vha ri na baso nnzhi, phaundu dzine dza todou swika ḫana na futhanu dza baso khulu. Huno dzone, dzińwe dzadzo dzi tshi khou lemela phaundu dzo vhalaho, nahone u bva kha nna u swika kha dza sumbe, phaundu dza malo. Huno ndo fasha iyi khulu, huno ya ḫivhofholola.

³⁹ Huno nda dovha nda posa, huno nda—nda fasha ińwe, i no ḥodou swika phaundu dza rathi, dza sumbe. Huno ndo vha ndi na thanda ndapfu ye na do tea u i fara nga nńha ha madzudzu a volenga. Huno Mukomana Evans o vha e na . . . Ro vha ro ḫukala rothe nga u ambuwa madini, ngauri hu tshi tou vha vhuńwenęwe. Huno o vha o no bvula zwienda zwawe nahone o finya milenzhe ya vhurukhu hawe, nahone o dzula fhethu hułuku ho omaho, a tshi nga u khou omisa zwiambaro zwawe. Huno o vhona iyi khovhe khulu i tshi vhumbuluwa zwiłakani, huno ndo vha ndi tshi khou ambuwa u yela khae. A ri, “Lwa tshifhinganyana, Mukomana Branham, ndi ḥo ni wanelia yone.” Huno a gidimela henengei nnđa. Huno ndo vha ndo no i kokodza, nda humbulela uri khovhe yo ḥodou fa, yo edela madzudzuni. Huno a gidimela nnđa u yo i doba. Huno, müsi o ita, a kwaila, huno ngoyu u a vhuya. Tshisele tsho mu luma.

⁴⁰ Huno ra i sedza, huno ho vha hu na mabuli a ḥino mulenzheni wawe he Tshisele tsha mu rwa, nahone ho vha hu tshi khou mu vhaisa nga maanda u swika miłodzi i małoni awe. A ri, o ḫipfa vhunga marambo awe o vha a tshi khou tou oma. Huno ro vha ri heneffho, maela nnzhi murahu vhuńwenęweni. Ndi munna muhulu uri a nga tea u hwaliwa. Huno müsi nowa i tshi ni luma, ni thoma u lwala nga maanda nga miniti i si gathi u swika ni tsini na u fa. Huno Leo o vha e hone o ima heneffho. Huno tshińwe tshithu tsha da ḫalukanyoni yanga, “Iwe u kha di vha Mudzimu!” Huno müsi a tshi khou fara mulenzhe wawé nahone a tshi khou u khwałthisa, na ayo mabuli mavhili mahulu a ḥino ngomu heneffho he Tshisele tsha mu fara, nda vhea zwanda afho fhethu huno nda ri, “Murena, zwe ḫwaliwa kha Ipfi Łau, ‘Vha ḥo kanda ḫoho dza manowa na dziphame, huno a hu na tshithu tshire tsha ḥo vha tshinya nga ndila ifhio na ifhio.’” Huno nga tshenetsho tshifhinga, vhułtungu vhuńwe na vhuńwe ha ḫutshela mulenzhe wawe. A ambara zwienda zwawe huno a rea ḫuvha lothe.

⁴¹ A dzhena ngomu vhusiku uvho huno a vha vhudza nga hazwo, vha ri, “Ndi khwine ni tshi ya ha dokotela.”

⁴² A ri, “Arali Mudzimu o ntsireledza u swika afha, U ḥo ndondota ndilani yothe.” Ro rea khovhe mađuvha mararu, hu si na mveledzwa mmbi na luthihi.

⁴³ Mudzimu u kha di vha Mudzimu. U vhulunga pfulufhedziso ińwe na ińwe. Huno kha mushumo wanga wołhe, ulwo ndi lwa u thoma ndi tshi vhona Mudzimu a tshi da kha

u luńwa nga ḥnowa, ngauri ho vha hu lwa u thoma ndi tshi vha na tshikhala tsha u rabelela muńwe o luńwa nga ḥnowa. Ndi u tou ni divhadza uri U vhulunga pfulufhedziso Dzawe dzothe, nahone Maipfi Awe ndi avhuđi nahone ndi ngoho. Amene.

⁴⁴ Elelwani dzitshumelo madekwana a ḥamusi na ḥavhuraru ili li daho. Huno rabelelani muńwe muthu zwino ane zwa vhukuma a ḥoda u rabelelwa, uyo ndi nne. Huno, elelwani, iyani muṭanganoni wa Mukomana Roberts musi u tshi ḥa doroboni, huno ni mu lumelise zwi tshi bva thaberenakeleni.

⁴⁵ Ri sa athu vhala Mańwalo, ndi—ndi do takalela uri ri ime nga milenzhe yashu lwa tshifhinganyana. Huno, hu si na muzika, kha ri tou imba khorasi kana mbili dza ulu luimbo lwa kale lwa vhugala lwa tshivhidzo, “Lutendo Lwanga Lu Sedza Kha Iwe.” Zwo luga, muńwe na muńwe kha a vhe murado wanga zwino, huno kha ri lu imbe. Huno ni songo elekanya ḥnga ha uri ni khou imba hani, itonu lu imba uri Mudzimu a wane vhugala. Naa ni do ri ranga phanda khalwo, Murathu Neville?

Lutendo lwanga lu sedza kha Iwe,
Iwe Ngwana ya Khalivari,
Mutshidzi mukhethwa;
Zwino mpfe ndi tshi rabela,
Tusa mulandu wanga wothe,
Oo ntendele u bva ḥamusi
U vha Wau tshothe!

Musi ndi tshi kanda gondo la swiswi la
vhutshilo,
Huno vhułungu vhu tshi phađalala u mona na
nne,
Ivhä Muendedzi wanga;
Vhudza swiswi li vhe masiari,
Fhuluća vhułungu, dzinyofho kule,
U songo ntendela u pambuwa
Kha Iwe nda ya thungo.

⁴⁶ Zwifhatuwo zwashu zwo kotama, ndi ḥodou vhala kha mańwalo o khetheaho a Bivhili, Mateo Mk., ndima ya 7, ndimana ya 13 na ya 14. Huno ngavhe Murena a tshi inga phađutshedzo Dzawe dzo pfumaho ri tshi Lu vhala.

*Dzenani nga khoro thukhu: ngauri khoro yo atama,
huno ndila yo vulea, i isaho kha dzitshinyadzo, huno
ndi vhanzhi vha tshimbilaho ngayo:*

*Ngauri khoro ndi thukhu, huno ndila ndi tsekene, i
isaho vhutshiloni, huno a vha gathi vha i wanaho.*

⁴⁷ Kha ri rabele. Oo Mudzimu, O vusaho Murena Yesu hafhu lufuni na tshaloni, huno wa Mu nekedza riñe matsheloni ano sa Tshithavhelo tshi tshilaho, ḥnga u ḥițukufhadza ri kumedza matshilo ashu kha Iwe nga huswa, ḥnga mihumbulo ya uri U ḥo ri humbula zwingafho. Musi ro vha ri tshi kha ḥi vha

vhaitazwivhi, ro fa tshivhini na dziphambuwoni, Wo rumela Murwa Wau mubebwa-e-eṭhe, o itwaho nga tshivhumbeo tsha nama ya tshivhi, u vha tshipfumelo tsha zwivhi zwashu, uri Ā si na mulandu, a tshi khou tambulela vha re na milandu, a kone u ri pfumedzanya roṭhe hafhu kha vhūṭama na Iwe.

⁴⁸ Huno, Oo Mudzimu, arali hu na tshivhi vhukati hashu matsheloni ano, tshiñwe tshithu tshine tshi nga kona u thithisa Muya Mukhethwa kha u ri disela Mulaedza wa Mudzimu kha mbilu iñwe na iñwe yashu, ri a rabela uri, nga u dīṭukufhadza, Murena, U ri hangwele phambuwo dzashu. Ri kunakise nga Malofha a Murena Yesu. Ane... Ri a zwi divhā, kha riñe vhanę, a ri tshithu, nahone ri bula uri a ri tshithu. Fhedzi Iwe u mukhethwa, Iwe u wa ngoho, Iwe u luga, Iwe u tshone Tshisima tsha khathutshelo. Huno nga u dīṭukufhadza ri kokovhela henefho namusi, sa mimuya i shandukaho. Vhunga vhūṭanzi vhu tshi kha di bva u bva, vhu tshi bva Jamaica na Puerto Rico, na he Wa shuma mishumo mihulwane yo raloho, Oo Mudzimu, ndi tshiga tsha u da ha O Lugaho.

⁴⁹ Nga ndila ye Wa phulusa Mukomana Evans kha maṇo a mulimo a iłā nowa, nge a vha e mutendi, huno Maipfi Au ndi a ngoho tshifhinga tshoṭhe. Zwino, Murena, ri phuluse kha maṇo a lufu matsheloni ano, he swina la ri luma nahone la džhenisa mulimo kha riñe. I ri tshidolo tshi fhodzaho Tshau, matsheloni ano, Murena, tshi dale mimuyani yashu huno tshi ri kunakise kha u sa luga hoṭhe. Fhodza vhulwadze ha mivhili ya ḥama yo kwashékanywaho nga maända a swina. Vhoṭhe vha re Vhuhoneni ho Khetheaho, ngavhe vha tshi fhodzwa.

⁵⁰ Amba na riñe zwino nga Ipfi lo nwaliwaho Lau, Murena. Ri sa divhī tshine ri nga tshi amba, fhedzi Iwe u do ri disedza tshone. Huno U ri tsivhudze, Murena, nahone u ri lugisele U Da Hau. Ngauri ri humbelia izwi Dzinani la Yesu nahone ri tshi itela Ene. Amene.

⁵¹ Nne tshifhinga tshoṭhe ndi a lenga, ngauri ndo lindela zwino. Huno tshikolo tsha Swondaha, ndi a humbulela, tsho bva. Fhedzi hu na tshiñwe tshithu nga hatsho, musi ndi tshi da hayani ndi tou pfa unga ndi na tshifhinga tshinzhi. Ni a divhā, ri khou tāvhanya nga maändesa, naho zwo ralo. Ngauralo, ri khou tou yo tenda Mudzimu.

⁵² Murena washu o vha a tshi khou nea iyi tsivhudzo yo khwāṭhaho kha vhatthu vha murafho Wāwe, vhatthu vhe vha vhe vha vhurereli nga maända. Huno O ri, "Khoro ndi ḫukhu, huno ndila ndi tsekene, i isaho Vhutshiloni, huno a vha gathi vha no do I wana." Zwino, ho vha hu si nga uri vho vha vhe si vha vhurereli. Vho vha vhe vha vhurereli nga maända. Huno ngauri vho vha vho fulufhela kha tshividzo na kha džiñwe ndaela na dzidinomineisheni, nahone vho tenda

(u swika huńwe) kha Mudzimu, vho elekanya uri tshińwe na tshińwe tsho vha tsho luga. Fhedzi O vha a tshi khou vha vhudza uri hu do vha na vha si gathi vha no do dzhena.

⁵³ Huno ndi a mangala matsheloni ano arali ndi si nga koni u fanyisa uyo murafho na uyu murafho. Ni a vhona, ho vha hu u valani ha tshifhinga tsha Vhayuda, huno O vha a tshi khou amba nga ha zwa murahu zwo fhambanaho na magumo o fhambanaho a zwifhinga zwo fhambanaho, nahone a tshi khou vha vhudza uri tshenetsho tshithu tsho itwaho kha zwifhinga zwa u ranga tsho vha tshi tshi khou itwa phanda havho. Huno vho kundelwa u tshi limuwa. Huno kha ri vhone zwińwe zwa zwithu zwe A vha a tshi khou amba nga hazwo.

⁵⁴ Vhone, sa tsumbo, vho kundelwa u tenda uri Mudzimu o vha e kha uyo Munna. Itsho tsho vha tshi tshikundisi tshihulusa tshe vha do tea u tshi namela, tsha uri hani Ene e Muthu hone o Diita Mudzimu. Vho kundelwa u vhona uri Mudzimu a nga dzula hani ḥamani ya muthu. Huno kha zwikhathi zweathe, nga zwifhinga zweathe, Mudzimu tshifhinga tshothe o dzula kha muthu. Muthu ndi zhendedzi ja Mudzimu. Kha murafho muńwe na muńwe, Mudzimu u amba na vhathe Vhawe nga milomo ya muthu. Tshifhinga tshothe u nanga muńwe kana tshińwe tshithu tshire A nga tshi shumisa.

⁵⁵ Huno O amba nga havho, sa vhanne vha vha tshikhukhuliso tsho raloho, nga ha Abrahamu. O ri, o vha vhudza, “Arali ni tshi ḫivhidza ‘vhana vha Abrahamu,’ Abrahamu ‘khotsi’ aŋu, o vhona duvha Łanga huno a takalela u li vhona. Abrahamu, muporofita.” Huno a hu na na u timatima uri Yesu o vha a tshi khou amba nga havho uri O vha sumbedza uri O vha e Mesia, ngauri tshiga tsha Mesia tsho vha tshi tshi khou Mu tevhela. Huno zwo vha nga iyo ndila kha murafho muńwe na muńwe, uri, tshiga tsha Mesia. Fhedzi Ene a tshi Diita Mudzimu, Mesia Ene muńe, izwo zwo vha khukhulisa. Vho kundelwa u zwi pfectesa.

⁵⁶ Zwino, musi Abrahamu (we vha mu vhidza khotsi avho) o tangana na Mudzimu, na ene O vha e ḥamani, ngauri O la ḥama ya ḥamana, a la tshinnkwa tsha mavhele, na u nwa mafhi, na bodoro, vhuhoneni ha Abrahamu, huno naho zwo ralo O vha e Mudzimu. Abrahamu o Mu limuwa, Mudzimu, huno a Mu vhidza “Elohim,” ane a vha Jehovah Ramaandaothe. Munna o ambaraho zwiambaro, e na buse kha Muvhili Wawe, huno a dzula fhasi ha muri, u wana murunzi, huno a la ḥama nahone a nwa mafhi. Zwenezwo avho Vhayuda vha rotholaho, vha mbilu dla tshituhu, vha vhutse, vho lugaho vho kundelwa u Mu tenda uri ndi Murwa wa Mudzimu, huno vha vhidza Abrahamu khotsi avho. Huno O vha a tshi khou ita uri vha ḫivhe uri O vha a tshi khou ita zwenezwo zwithu zwithihi, ḥamani Yawe, zwe Mudzimu a zwi ita kha inwe ḥama musi O tangana na khotsi avho, Abrahamu. Huno Abrahamu o zwi tenda. Huno vho kundelwa u zwi tenda.

⁵⁷ Ni a vhona, musi Abrahamu o dzula fhasi ha dennde yawe nge a nanga, huno u nanga uho hu diswa phanda ha muthu muñwe na muñwe a no bebwaa shangoni lino. Muri wa vhudi na vhuvhi wo vhewa phanda ha muthu muñwe na muñwe. Huno musi Loto, muzwala wawe, na vhalisa vhavho vha tshi thoma u hanedzana nga ha mavu; Abrahamu, e munna o lugaho, a ri khavho, “Itonu ri hu songo vha na dzikhanedzano vhukati hashu. Inwi itonu nanga ndila yanu ya u tuwa.” Afho fhethu hu dzhena vhutshiloni ha mutendi muñwe na muñwe. Huno hu phanda hañu matsheloni ano, nahone hu phanda hanga.

⁵⁸ Loto ho ngo elekanya uri o vha a tshi khou yo gunea, fhedzi o ya a sedza thungo ya Sodoma he zwithu zwa vha zwi sa kondi. Huno hu na zwifhinga zwinzhi zwine ra sedza thungo ya ndila i sa kondi. “Ndi do vha murađo wa itshi tshiñwe-tshiñwe tshivhidzo, huno, ni a vhona, a hu na muthu a no do amba tshiñwe tshithu a tshi lwa natsho, ngauri ndi tshivhidzo tshihulusa mudini.” Ndila i sa kondi! Zwifhinga zwinzhi ri ita zwenezwo, musi, ro khakha!

⁵⁹ Elelwani, arali ni tshi tevhela Kristo, ni do vhengiwa nga vhathu, ngauri vhothe vhane vha tshila nga u ofha Mudzimu kha Kristo Yesu vha do tambula mitovholo. Huno arali ni tshi da kha Kristo, a ni nga di nga tshiñwe tshivhidzo-vho kana iñwe dinomineisheni-vho, kana iñwe ndaela-vho. Ni do da nga Malofha, uyo ndi wone mukoto u wothe wa u dzhena. Huno ni nga si dise muñwe na inwi, ni do da ni nothe huno na ima kha u bula hañu na lutendo lwanu. Ni nga si dzhene no namela mufunzi, kana kha lutendo lwa mme anu. Ni do da sa muthu muthihi musi ni tshi da kha Mudzimu! Huno zwifhinga zwinzhi ri nanga izwo zwa vhutsilu.

⁶⁰ Mini-ha arali Loto, musi o vhona tshiñwe na tshiñwe tshi sa kondi...? O vhona he ha vha hu na tshelede nnzhi na u takalelwa huhulu, ngauri o vha a tshi do vha mutsinda, na munna o thanyaho, o funzwaho, saikholodzhi nnzhi, huno o vha a tshi nga kona u ita zwiñwe zwithu nahone a di ima kha vhurereli hawe. O elekanya, “Ndi na lutendo kha Mudzimu, ngauralo ndi do tou tsela fhasi ngomu Sodoma huno ndi—ndi do ita nyengedzo ya tshelede, huno ndi do vha munna muhulwane, khamusi mureri a mangadzaho.” Ni a vhona, ni tea u nanga.

⁶¹ Huno mirado zwayo i tea u nanga. “Ndi do tsela fhasi kha itshi tshiñwe tshivhidzo heneffo. Oo, muñwe na muñwe doroboni u elekanya uri itshi ndi tshone tsha vhanzhisa! Mulandu, nedorobo wa muđi ndi wa tshino tshivhidzo.” Zwino, a nga di vha o vha e wa tshivhidzo tshe zwa vhukuma tsha vha tshi tshavhuđi, fhedzi naho zwo ralo ni tea u hađula itsho tshivhidzo na vhathu vhatsho nga Mañwalo. Tshiñwe tshifhinga vha a ya ngauri ndi ndila i takalelwaho,

vha—vhatu vha ambara lwa khwine vha no ya kha mañwe mafhethu. Huno heneffo ndi hune ra ita khakho khu—khulu. Zwino dzhielani nzhele izwi.

⁶² Huno Abrahamu, tshithu fhedzi tshe a kona u ita ho vha hu u nanga ha vhuvhili. Huno tshiñwe tshifhinga u nanga ha vhuvhili ndi khwine kha ha u thoma, arali hu tshi dzhiwa nga u ralo. Dzhielani nzhele, ho vha hu si kale, musi Loto a tshi vhona muđi muhulu, ho ngo vhona mufumakadzi wawe a tshi shanduka a vha tshiunga tsha muño, nangwe, ho ngo vhona mulilo u tshi fhisa muđi. Fhedzi Abrahamu o fara ndila na vha Murena vha nyadziwaho vha si gathi. O dzula dziphangani.

⁶³ Huno, naho zwo ralo, mini-ha arali Sarah o vha a tshi do vha o ri... Zwino elelwani, Sarah o vha e musadzi o nakesaho kha shango lothe. Ho vha hu si na musadzi o nakaho sa Sarah. Muñwe na muñwe, o mu vhonaho, o mu funa. Zwino, zwo vha zwi tshi do vha zwi songo kondela Sarah hani u nanga ha lushaka lwa u ralo. Fhedzi o nanga u dzula na Abrahamu.

⁶⁴ Oo, vhasadzi, ni songo tendela Diabolo u ni pofudza, u vha a takalelwaho na u vha murado wa *itshi* na *itsho*. Vhoinwi dzulani na Kristo! Ngauri, awara i tsini, tshinyadzo khulwane dzi phanda, dzo vhifhaho u fhira Sodoma na Gomora, dza ili shango. Sodoma na Gomora i do vha khuliso khalo.

⁶⁵ Zwino, musi Abrahamu o fara ndila ye ya newa ene nga Mudzimu, huno o vha e na u onda ha shango, ho ngo bvelela na luthihi. Fhedzi naho zwo ralo o divha tshithu tshithihi, o shumela Mudzimu huno a tenda Mudzimu.

⁶⁶ Ngauralo liñwe ñuvha ha da vhanna vhararu, huno who vha who ñala buse nahone who neta, huno Abrahamu a vha pfela vhutungu, a ri, “Idani huno ni dzule fhasi ha muouku lwa tshifhinganyana fhedzi.” Huno musi o vha o ima heneffo a tshi khou amba navho, a limuwa uri who vha vha si vhanna zwavho. Nga nyambo yavho, who vha who fhambana. Huno Abrahamu o ya huno a thavha ñamana nahone a ita uri i lugiswe, nahone a ita uri Sarah a ite tshinnkwa nahone a dilugisele u vha kanzwa.

⁶⁷ Zwino elelwani, vhavhili vhavho who vha vhe Vharuñwa, Vharuñwa ñamani ya muthu, huno muñwe wavho o vha e Mudzimu Ene mune. Huno Uyo we a vha e Mudzimu muñana Wawe wo vha wo furalela dennde.

⁶⁸ Huno Sarah a dzula denndeni. Ndi takalela u vhona musadzi a tshi vhulunga fhethu hawé nga u ralo, hu si u bva na u vhudza munna wawe zwine a tea u ita, nahone tshifhinga tshiñwe na tshiñwe muñwe a tshi da. Fhedzi o dzula denndeni. A hu na u timatima, khamusi a tshi khou ñanzwa dzindishi kana a tshi khou ita tshiñwe tshithu.

⁶⁹ Huno Uyu We a vha e Mudzimu, A dzulela u sedza thungo ya Sodoma, huno A vha vhudza zwe A vha a tshi khou yo ita. Huno Vharuňwa vhavhili vha tsela fhasi henengei u rera Mafhungo-madifha. Fhedzi Muňwe a sala murahu, uyo o vha e Ene we a vha e Mudzimu, huno A ri, “Nñe a thi khou yo dzumbela Abrahamu zwiphiri zwine nda zwi ñivha, ngauri u khou yo vha muňaifa wa shango.”

⁷⁰ Oo, ri na pfanelo matsheloni ano, tshivhidzo, u ñivha zwiphiri zwa U Da ha Murena. Ngauri, “Mashudu vhadzia-mulalo, vha do vhidzwa vhana vha Mudzimu. Mashudu avho vhane vha pfa ndala na ñora, vha do fushwa. Mashudu vha mbilu dzo tamboho, ngauri vha do vhona Mudzimu. Mashudu vha vhulenda, ngauri shango li do vha ifa lavho.” Zwenezwo, arali tshivhidzo tsha Mudzimu a tshilaho shango li tshi do vha ifa latsho, a hu na zwiphiri zwine tsha do dzumbelwa zwone.

⁷¹ “Zwothe zwe Khotsi a Mmbudza, Ndo ni vhudza,” o amba Yesu. Huno vho kundelwa u Mu tenda.

⁷² Ngauralo mađuvhani a Abrahamu, A tshi khou amba nga havho, O amba zwauri vhunga Abrahamu o vha a tshi khou amba na Muruňwa, nahone mutana Wawe wo furalela dennde, huno A vhudza Abrahamu uri Ú khou yo mu dalela nga ñwana. Huno Sarah, e denndeni, a sea. Huno A ri, “Ndi ngani Sarah o sea?” Naa O vha a tshi khou ñanani? “Ndi ngani Sarah o sea?” Ho vha hu tshi tou vha awara dzi si gathi tshinyadzo i sa athu ña, musi izwo zwi tshi itea. Hu sa athu ña tshinyadzo, uyo mulilo wa ña u tshi bva mađuluni huno wa fhisa muđi, huno itsho tshiga tsha itwa.

⁷³ Huno Yesu o ri, “Ni a khakha,” kha madokotela mahulwane a ñivhavhurereli, kha lushaka lwa vhurereli he zwavhudivhudi vha dzimilioni vha vha vhe vhatendi. O ri, “Ni a khakha, nga u sa ñivha Maňwalo naho hu Maanda a Mudzimu.” Kha murafho u no nga uyo, vhe vha vha vhe vhanna vho pfumbudzwaho zwavhudí, vhe vha vha vhe zwikola nahone vho aluswa tshivhidzoni. Musi ñwana a tshi bebwá, o vha e ndaka ya tshivhidzo. Inwi no do tea u vha Muisiraele. Mađuvha a malo nga murahu ha mabebo anú, ho vha hu u rubiswa, huno tsha u thoma no vha ni Muisiraele. Huno vhutshifhe ho bva kha Vhalivi, vhe vha vha vho pfumbudzwaho Maňwaloni kha miňwaha ya madana. Hone Yesu o ri, “Ni a khakha, nga u sa ñivha Maňwalo!” Vho a ñivha kha bugu yavho ya u guda, vho a ñivha nga katekisima dzavho, vho a ñivha nga thelodzhi yavho. Fhedzi Yesu o ri, “A ni A ñivhi, Maňwalo, naho hu Maanda a Mudzimu a ni a ñivhi. Arali no vha no ñivha Abrahamu, no vha ni tshi do vha no Nñivha. Arali no vha ni vhana vha Abrahamu, no vha ni tshi do vha no Nñivha, ngauri Abrahamu o takala musi a tshi

vhona ḋuvha Łanga, ngauri o li vhonela phanda. Musi Ndo ima phanda hawe murahu hangei, muvhilini wa ɣama, huno nda ita izwi, o zwi ḋivha uri ho vha hu Nne, huno a Mmbidza ‘Elohim.’ Fhedzi hafha Ndi ita zwenezwo zwithihi phanda hanu, huno ni Mmbidza ‘Belesebulu.’”

“Oo,” vho ri, “ri na Abrahamu sa khotsi ashu.”

“Ni vhidza Abrahamu ‘khotsi’ anu?”

⁷⁴ A ri, “Mulandu, rięe, ri vha tshivhidzo. Ri lushaka lwa vhurereli. Ri vhatu vhahulwane. Ri vhatu vha Mudzimu!”

Yesu a ri, “Inwi ni Diabolo, ndi ene khotsi anu.”

⁷⁵ Ndi nga fanyisa uyo murafho na uno. Namusi, musi zwavhudivhuđi hu na milioni dza vhatu vha no diita vha Vhukriste, huno vha sa divhi two engedzeaho nga ha Mudzimu u fhira Muhotentoti a tshī nga ḋivha nga ha mulwi wa Muegipita. Hu na vhanna na vhasadzi ɣamusi, zwavhudivhuđi milioni dza vha no diita Vhakriste vha no ri Kristo ndi wavho, vha sa divhi mulayo wa u thoma wa Maanda a mvuwo Yawe, nahone vha sa athu thetshela vhudi Hawe na kathihi. A vha athu pfa Maanda Awe na kathihi. Mađo avho o pofudzwa kha Ngoho.

⁷⁶ Ha pfi, “Inwi ni bofu, vharangaphanda vha bofu. Naa a li...łone...arali bofu li tshi ranga phanda bofu, naa othe ha nga weli museleni?”

⁷⁷ Zwenezwo vha elekanya, “Ri Vhakriste. Ri vhatendi. Ri vha zwivhidzo zwa nthesa zwi re hone. Vhorabi vhashu ndi zwikola two pfumbudziwaho lwa khwinesa.” Huno naho two ralo Yesu o vha vhudza uri na Mañwalo a vha a ḋivhi.

⁷⁸ Ni a vhona uri Mudzimu o zwi dzumbela hani mađo a vhaṭali na vha pfectesaho, huno a zwi dzumbululela vhushie vhu no nga vhune ha do guda? Oo, Maanda mahulwane na tshililo tshi sa gumi tsha Mudzimu! Ndi wavhuđi hani Ene kha avho vha no tama u tshimbila vho luga phanda Hawe! A nga si dzimane nga tshithu tshavhuđi.

⁷⁹ Huno u vhona ḋuvha ḥine musi lushaka lwa hashu, shango ḥashu, lo tshinyala nga zwenezwo zwithihi!

⁸⁰ Yesu o vha a tshi toda u vha onyolosa nga ndila yone. Vha ri, “Oo, Abrahamu ndi khotsi ashu. Huno ri do vha Vhugalani, ni songo vhilaela nga hezwo, ngauri ri tenda kha Mudzimu. Ri dziphurofesa, huno ri tenda kha Mudzimu, nahone ri funza vhatu vhashu. Huno Iwe u nnyi a no da fhano na tshiga tshiṭuku tsha kale tshi ma—mangadzaho huno wa lingedza u tshi vhidza Mudzimu? Iwe a u tshithu nga nnđa ha Belesebulu.” Khezwo, vho vha vhe na ndaela dzavho na dinomineisheni yavho.

Yesu o vha vhudza, “Ni Diabolo.” Edzonu zwi elekanya!

⁸¹ Huno ndi do fanyisa uyo murafho na uyu, ɣamusi musi ri na vha dzimilioni vha no khou vha mirađo ya zwivhidzo, ri

na mahumi a zwigidi. Huno Mudzimu u tsela fhasi u tshila tshivhidzoni Tshawe hafhu, na u ita zwithu zwenezwo zwithihi zwe A zwi ita hangei, u Diita a sa shanduki mulovha, ɿamusi, na lini na lini. Huno vhathu vha a zwi furalela, vha sa fhidzi, vhai̯we vha tshi ḥodou takalelwa, vhai̯we vha tshi shavha u nanga. Ndi khombekhombe kha vhathu! Inwi ni tea u nanga. Inwi ni nga si ime vhushayasia. Ni tea u ri “ee” kana “hai.” Ni nga si t̄utshele iļo vothi ni muthu onoyo muthihi we a dzhena. Ni nga si zwi ite. Ni tea u nanga. Nangani ni tshi itela Kristo matsheloni ano.

⁸² Vho elekanya uri tshi̯we na tshi̯we tshe tsha vha tshi tsha tshivhidzo tshi ḥo tshidzwa. Yesu o ri, “Khoro ndi ɿukhu, huno nd̄ila ndi tsekene, huno fhedzi hu ḥo vha na vha si gathi vha no ḥo i wana.”

⁸³ Imani ndi ni tsivhudze matsheloni ano, tshivhidzo, ni ɿhogomele. Zwi dzhia tshifhinga ɿamusi, kha murafho washu u re na u luga hawo, u re na u ēdāna hawo wa muhoyo une ra khou tshila khawo. Awara ya musi vhanna na vhasadzi vha tshi ima zwigidzoni na dzibannganī, huno vha imba nyimbo dza Mudzimu, huno vha bva tshivhidzoni itsho huno vha daha dzisigarete, huno vha nwa wisiki, huno vha ya dzidantsini, huno—huno vha tshilela shango, huno vha amba miswaswo ya tshika, i khukhulisaho, nahone vha ɿivhidza “Vhakriste.” Musi vhanna na vhasadzi vha tshi nga ɿuwa kha phuluphithi kana tshivhidzoni, na fhethu ha Maanda a mvuwo, hune itsho tshiga tsha Mesia tsha khou tshimbila vhukati havho, huno vha si vhe tshivhumbwa tshiswa kha Kristo, hu na tsho khakheaho. Musi bammbiri dzi tshi nga tshi anđadza; nahone u bva kha khunzikhunzi u ya kha khunzikhunzi, murahu na phanda, u bva madzinguni o xwatuwaho a Devhula u swika maṭakanī a tiropika a Tshipembe, Mudzimu u a tshi rumela, huno vhathu vha a tshi furalela vha sa fhidzi. Zwenezwo ri nga ri mini, ri nga itani? Ri vhuyelela kha Maiwalo he A ri, “Khoro ndi ɿukhu, huno nd̄ila ndi tsekene, huno fhedzi hu ḥo vha na vha si gathi vha no ḥo i wana.”

⁸⁴ O ri, “Sa zwe zwa vha zwi zwone mađuvhani a Noaxe, zwi ḥo ralo kha U Da ha Murwa-muthu.” Thetšelesani, mađuvhani a Noaxe, shango lo vha li na vhathu u ḥodou fana na ɿamusi. Saintsī yavho yo vha i tshi fhira yashu. Vho fhaṭa zwifanyiso zwa matombo na dziphiramidi nahone vha ita zwithu zwine ri nga si zwi ite namusi. Vhathu vhahulwane, vho thanyaho, u fhirisa. Huno elelwani, saintsī namusi i ri, “Ndi muniti muthihi vhusiku vhuhulu vhu sa athu da.” Ndi muniti muthihi watshi i sa athu rwa awara yo faho. Tshifhinga tsho no ɿuwesa u fhira zwine ra elekanya. Ndi a fhlufhela uri—fulufhela uri Muya Mukhethwa u ḥo ita uri izwi zwi nwelele ngomu mbiluni ya mutendi muñwe na muñwe, “sa mađuvhani a Noaxe”!

⁸⁵ Naa ndi vhangana vhe vha tshidzwa mađuvhani a Noaxe, kha uyo murafho? Malo, malo kha milioni nnzhi. O ri, “Zwi ḋo ralo kha U Da ha Murwa-muthu.”

⁸⁶ “Huno sa zwe zwa vha zwi zwone mađuvhani a Sodoma, zwi ḋo ralo kha U Da ha Murwa-muthu.” Vha no fhira mahumi a zwigidi, ho tshidzwa vhararu.

⁸⁷ Inwi zwenezwo ni ḋo ri kha nne, “Mureri, mini-ha nga ha vha zwigidi vhothe vha no ḋo da Nae?” Zwino, mukomana, avho vho itwa kha mirafho minzhi.

⁸⁸ Ndi ḋo mangala arali vha dazeni vha bva kha uno murafho. “Khoro ndi ḫukhu, huno ndila ndi tsekene, huno fhedzi vha ḋo vha hone vha si gathi vha no i wana.”

⁸⁹ Oo, ndi a ḫivha zwivhidzo, zwine zwa amba, “Arali ni tshi vhea dzina ḥanu kha bugu huno na vha murado, *izwi*, no luga tshothe.” A hu na Luñwalo lwo raloho lu no nga holwo. Arali tshiñwe na tshiñwe tshi na dzina ḥatsho kha bugu, nahone tshi—tshividzoni, hu ḋo vha na bilioni dzi tshi andiswa nga bilioni dza andiswa nga dzibilioni, tshiñwe na tshiñwe tshi ḋo dzhena. Zwenezwo tshakha dzothe dza mimuya dzi ḋo vha ngomu heneffho, huno Ṭadulu li ḋo vha kha nyimele ya lushaka-de? Zwi elekanyeni zwino.

⁹⁰ Vhunga muñwe muthu a tshi ḋo ri kha nne, “Zwino imani lwa tshifhinganyana, Mukomana Branham. *Vhakeneñene*, ndo vha pfa vha tshi amba nga dzindimi, ndi a zwi ḫivha uri vha ḋo vuledza.”

⁹¹ Izwo a zwi ambi uri vha ḋo vuledza na luthihi. Paulo o ri, kha Vhakorinta Ya U Thoma 13, “Naho ndi tshi amba nga ndimi dza vhathu na dza vharuñwa, huno lufuno ndi si na, nne a thi tshithu.”

⁹² “Oo, ndo ya muñanganoni wa *Mukeneñene*. Oo, o ita mishumo mihulwane, ya maanda. Ndo mu vhona a tshi ita uri bofu li vhone.”

⁹³ Naho zwe ralo a nga xela. “Vhanzhi vha ḋo da kha Nñe nga ilo duvha huno vha ri, ‘Murena, naa a tho ngo rera Dzinani ḥau, nda porofita? Naa a tho ngo, nga Dzina ḥau, nda pandela mimuya miyhi? Naa a tho ngo, nga Dzina ḥau, ndo ita mishumo minzhi mihulwane?’ U ḋo ri, ‘Tuwani kha Nñe, inwi vhadzia-vhutshinyi, A tho ngo vhuya nda ni divha.’” “Khoro ndi ḫukhu, huno ndila ndi tsekene, huno fhedzi vha si gathi vha ḋo vha hone vha no ḋo i wana.”

⁹⁴ I ri ni ndi ni nee miñwe migaganyo i no do ni dzinginyisa. U ya nga saintsya mishonga, mudini wa Chicago, u ya nga zwitatisitiki zwa dokotela, hu na zwiito zwa vhuthuthathumbu zwa zwigidi zwa furaru ngei Chicago fhedzi, nga mađuvha a furaru, zwine madokotela a vha nazwo. Naa ndi nngana dza idzi philisi ḫukhu na zwithu zwine vha dzhia, dza zwiito zwa vhuthuthathumbu?

⁹⁵ Zwitatisitiki zwi a sumba, kha la United States, uri hu na vhana vha vhuṭondolo vhanzhi vha bebwaho u fhira vhana vha mbingano khethwā. Naa no zwi ḋivha uri Bivhili yo amba, kha Doiteronomio 14:2, uri “nwana wa vhuṭondolo, zwi do dzhia miñwaha ya madana maña uri izwo zwi bve”? Vhana vha vhana vha vhana vha vhana vha vhana vhavho vha nga si kone u ima tshivhidzoni tsha Murena, miñwaha ya madana maña, mirafho ya fumi. Miñwaha ya fuña kha murafho. Vhomakhulukuku vhavho vha mukalaha vho vha vhe nwana wa vhuṭondolo, a vha vhalawi! Zwino mini? Ntsumbedzeni he zwa shandukiswa.

⁹⁶ Naa ri da kha mini? Huno zwino vhana vha vhuṭondolo, nga nwambo wa vhupombwe, na vhasadzi vha vhaítazwivhi vha tshi ambara zwitaraṭani vhunga munna, zwine zwa vha vhuṭudzi maṭoni a Mudzimu, vhadahi vha sigareṭe, vhanwi vha khokhotheili, vha no vhidzwa vha no diita Vhakriste. Mudzimu u dzivhisa tshivhalonyana tsho raloho tsha vharengisamivhili! Izwo ndi zwone. Zwenezwo vha ḋivhidza Vhakriste? A zwi mangadzi Yesu o ri, “Khoro ndi thukhu, huno ndila ndi tsekene, fhedzi vha si gathi vha do vha hone vha no do i wana.”

⁹⁷ A vha nga ḋitukufhadzi. Vha a huduluwa. Sedzani, musi Dafita a tshi vhudzwa nga ha tshivhi tshawe tshe a ita, o shanduka nga u ṭavhanya, huno Mudzimu o mu funela zwenezwo. Inwi ni tshi vha vhudza nga ha zwivhi zwavho, vha do ri, “A thi tsha do swifhadza vothi hafhu.” Mulandu? Vha na mafhethu manzhi ane vha nga ya khao, vha nga di ya kha ayo mapako a vhuṭondolo a no do kondēlela zwo raloho. Fhedzi ndi tshifhinga tsha uri vhareri vha ambare mafumo o fhelelaho a Mudzimu huno vha rera Ipfi vha sa leludzi, Mafhungo-mađifha. Vhathu vha tea u ḋitukufhadza.

⁹⁸ A hu tshe na u fulufhedzea vhukati ha Vhakriste. Vha ḥodou ri, “Ndi Mumethodisi, ndi Mubaphuthisi, ndi Mupentekostała,” izwo a zwi ambi [Mukomana Branham u lidza munwe wawe—Mudz.] izwo kha Mudzimu.

⁹⁹ “Ndo amba nga dzindimi, ndo ita mađembe.” Ri ombedzela tshothe itsho, ngeno itsho tshi tshiñwe tsha zwithu zwi no pofudza nga maandesa tshe vha vha vha tshi nga ita. Ngoho. Mvula i nela vho lugaho u tou fana na vha songo lugaho. Mvula i sheledza tshiliñwa u fana na u sheledza tsheñe, Roy. Mvula yeneyo nthihi, Muya Mukhethwa wonoyo muthihi u wela kha vhathu. Na zwino izwo a zwi khou amba... Mvelo yazwo i tea u fhambana, u bva nga ngomu u ya nga nnđa. Hu si u vhonadzwa ha nga nnđa kana musumbedzo, fhedzi Muya wa nga ngomu wa Mudzimu a tshilaho u no ita uyo muthu tshivhumbwa tthiswa, u no ḫukufhadza mbilu ya wa munna kana mbilu ya wa musadzi phanda ha Mudzimu.

¹⁰⁰ Inwi ni ri, “Mureri, ni khou ḥodou mmbudza uri ni timatima uri dazeni kha idzi milioni na bilioni nña dza

vhatu shangoni?" Ndi a timatima uri hu do vha na vha dazeni vha no do vha kha U Takulelwā Tađulu. Edzonu zwi elekanya! Ndi khou ni vhudza zwe Yesu a amba hafha kha Mafhungo-madifha. Edzonu zwi elekanya!

¹⁰¹ Naa zwo swikafhi? Ngauri u shaya vhudilisi ho dzhena vhukati ha vhatu, vhana vha vhuđondolo vha thoma u bebwa, uho hu a vha ḥangula. Ni a vhona, ri nga ima hafha lwa dziawara, ri tshi khou vhea izwo zwithu, huno ni nga vhona uri ri khou tshila kha murafho wo tshinalahow wa vhatu, wo seňwaho, wo sinaho wa guma nga shambo. A zwi mangadzi vha sa vhonon na zwiga, a zwi mangadzi vha si nga pfi Mafhungo-madifha, vho rindila, nangwe vha tshi tou vha vha vhurereli nahone vho đinekedza.

¹⁰² Naa Yesu ho ngo amba zwauri, "Muya u amba wa bula, maduvhani a u fhedzisela vha ḫo đihudza, vha ḥonga, vha funaño u điphina u fhira Mudzimu, vha sa vhofhiwi navho fhungo ḫa vha hone, vha sa đivhofhi, vha tshiđuhu, na vhatyadzi vha avho vho lugaho, vha re na tshifanyiso tsha u nga vha ofha Mudzimu"? Ni a vhona? Oo, ni nga ḥavha mukosi, ngoho. Ni nga amba nga dzindimi, ngoho. Lutendo lu ḫo pandela vhodiabolo, ngoho. Fhedzi izwo a si zwine ra khou amba nga hazwo.

¹⁰³ Zwenezwo inwi ni do ri kha nn̄e, "Mukomana Branham, naa luswayo lwa Mukriste ndi mini? Naa ndi nnyi a no do tshidzwa? Ni do ralo, Mukomana Branham?" Ndi litsħa izwo kha Mudzimu. A thi đivhi. Ndi tenda uri ndo ralo. Ndi vhambedza vhutshilo hanga, đuvha na đuvha, na Ipfi. Arali vhu sa tshili u ya nga ili Ipfi, zwenezwo hu na tsho khakheaho, ndi tea u huma huno nda lugisa.

¹⁰⁴ "Ndi zwone," ni ri, "Mukomana Branham, musi vhatu vha tshi amba nga dzindimi, naa izwo a zwi ambi uri vho tshidzwa?" Hai, muňe wanga! Hai, ngoho! Ndo no pfa vhaloi vha vhasadzi na vhaloi vha vhanna vha tshi amba nga dzindimi, tshakha dzothe dza vhuđafuđafu. Ndo no vhona vhatu vha tshi amba nga dzindimi huno vha dzula na mufumakadzi wa muňwe munna. Ndo no vhona vhatu vha tshi amba nga dzindimi, huno vha fhufha n̄tha na fhasi nahone vha ḥavha mukosi vhunga nn̄du yo vha i tshi khou swa, huno vha bva vha na pfano dza zwa vhufhura, huno vha ts̄wa, vha amba mazwifhi, na tshiňwe na tshiňwe. Naa ni nga zwi lavhelela hani? Hai, muňe wanga.

¹⁰⁵ Ndi vha tshividzo, madikoni tshividzoni, vho đinekedza sa zwine vha nga vha zwone. Mulandu, ni elekanya urī vha ḫo renga piđirolo nga Swondaha? Hai. Fhedzi nga Musumbuluwo itani tshiňwe tshithu tsha tshika nahone tsho sinaho tsha fhasi-fhasi. Mudzimu u dzula mbiluni, hu si nga nn̄da, ndi tshiňwe tshithu tshi bvaho mbiluni.

¹⁰⁶ “Khoro ndi ḫukhu, huno ndila ndi tsekene, huno fhedzi vha si gathi vha ḫo vha hone vha no ḫo i wana.” Sa zwe zwa vha zwi zwone mađuvhani a Noaxe, vha malo kha avho vha dzimilioni; sa zwe zwa vha zwi zwone mađuvhani a Sodoma, vhararu kha vha dzimilioni; zwi ḫo ralo kha u ḫa ha Murwa-muthu.

¹⁰⁷ Huno ni a vhona u tshinyala hune ra vha khaho. Ni a vhona ndila ine nganganyo iñwe na iñwe, munna, u a bva heneffo huno Diabolo u ita vhareri vho thanyaho uri vha ime kha phuluphithi huno vha litsha vhathu vha tshi bvela phanđa nazwo.

¹⁰⁸ Liñwe ḫuvha muthu o ri, “A thi nga vhi na inwi kha phuluphithi yanga, ni ḫo ita uri vhasadzi vhanga vha penge.” Hai, vho no di vha nga iyo ndila. Zwi ḫo vha disa kha ḫalukanyo yo teaho, vha vhudzeni heneffo uri vha litshe u ambara izwi zwiambaro na zwithu. Huno, ndi zwone, muñwe u tea u zwi ita.

¹⁰⁹ Nda ri kha mufumakadzi wanga, “Naa ndi vho penga, nñe? Naa ndo ḫangana ḫoho? Kana, naa thaidzo ndi mini nga nñe?” Tshiñwe tshithu nga ngomu a tshi koni u dzika. Ndi tea u Li amba, a thi londi zwine muñwe muthu a amba.

¹¹⁰ Hu pfi, “Ni khou yo tshinya mushumo wañu.” Ndi zwone, mushumo muñwe na muñwe-vho une Mafhungo-madifha a ḫo u tshinya, u tea u tshinywa.

Mudzimu ri nee tshivhindi tsha u imela zwine zwa vha Ngoho huno ri ambe Ngoho nga hazwo! Ndi tshivhi, ndi ḫoni!

¹¹¹ “Khoro ndi ḫukhu,” o amba Yesu, “huno ndila ndi tsekene.” Huno inwi a no elekanya uri dzimilioni, na vho inwi Vhametħodisi nothe, Vhabaphuthisi, Mupuresbiterieni, Vhapentekostaña vha tshi khou dzhena ngomu, ni ḫo itwa zwiđaela nga iļo ḫuvha. Yesu o amba, “Vhanzhi vha ḫo da huno vha dzula Muvhusoni, vha ri, ‘Ndi na pfanelo ya u vha fhano.’” A ri, “Fhedzi vhana vha Muvhuso vha ḫo vha pandela. Hu ḫo vha na u tswimila na u lila na u shenganya maño.” Ndi khwine u diṭola matsheloni ano, Mukriste. Hu ḫo vha na vha dzimilioni vha tshi andiswa nga fumi vha andiswa nga dzibilioni vha no diita Vhakriste, nahone vho fungelela vħutshiloni havho, vhane vha ḫo xela khoro. Yesu o amba nga u ralo.

“Naa ndi vhangana vha no khou dzhena?”

¹¹² A thi ḫivhi uri ndi vhangana vha no khou ya. Tshithu fhedzi ndi, “Mudzimu, i ri ndi vhe muñwe wavho!” Izwo ndi zwone. Ndi Ene Muhañuli. “I ri ndi vhe ene.”

¹¹³ Inwi ni ri, “Mukomana Branham, naa ni nga amba hani-ha uri ni Mukriste?”

¹¹⁴ A thi ḫivhi. Fhedzi i ri ni ndi ni vhudze zwine Luñwalo lwa amba. Ngoho ni a zwi tenda Izwo. Musi Muya Mukhethwa wo rumelwa kha ċifhasi, Mudzimu o amba nga Muya Mukhethwa. A ruma muruñwa phanđa—phanda, u thoma. Huno A ri,

"Iya mudini na vhukati ha vhathu, huno u vhee luswayo kha phanda dzavho, dza avho vha no gomela na u lilela vhuṭudzi, vha tshi khakhulula izwo zwithu."

¹¹⁵ Naa vhuṭudzi ndi mini? Musadzi a no do ambara tshiambaro tsho teaho munna. Zwi ita uri Mudzimu a lwale. Naa no no vhuya na da he tshinwe tshithu tsha vha tshi tsha vhuṭudzi? Nga ndila ine tsha ni ita uri ni lwale! A ni koni u tshi kondelela. Musadzi a no do ambara tshiambaro tsho teaho munna, iyo ndi ndila ine zwa ita uri Mudzimu a dipfe; ni nga di imba kha khwairi, ni nga di rabela ḫuvha na ḫuvha, huno na ḫavha mukosi ḫuvha na ḫuvha, kana na tshilela Mudzimu ḫuvha na ḫuvha, no haṭulwa Vhuhoneni ha Mudzimu. Izwo ndi zwone kokotolo zwine Luñwalo lwa amba. "Vhuṭudzi!" Huno avho vha no tendelana na zwo raloho vha do vha na mukovhe na zwo raloho.

¹¹⁶ Mudzimu ri nee tshilidzi tsha u ima ra lwa na zwo raloho. Arali ni tshi do tea u diimisa, imani heneffo huno ni fare Ipfi la Mudzimu tshandani tshanu. Li nga si kundelwe na kathihi.

¹¹⁷ Zwino ro swika kha ḫuvha, line, vhuṭudzi ha vhathu. Huno Muruñwa o bva u yo swaya hafhu. Nngwaneleni muthu muthihi Jeffersonville, arali ni tshi todou ḫivha a no khou yo vuledza, nngwaneleni muthu muthihi mudini wa hashu a no gomela na u lila, a tshi dinalea a sa fhidzi nahone a tshi netiswa, huno a tshi rabelela vhuṭudzi vhu no itwa mudini. Naa ni nga imisa tshanda tshanu huno na tshi vhea kha muthu muthihi? Zwenezwo dzhiani ulu Luñwalo, "Khoro ndi thukhu, huno ndila ndi tsekene, i isaho Vhutshiloni, a vha gathi vha no do i wana." Avho ndi vhenevho fhedzi vhe vha vha tshi khou yo swaiwa.

¹¹⁸ Oo, ndi nga ni sumbedza vhanzhi vha no khou ya tshivhidzoni. Ndi nga ni sumbedza vhanzhi vha no imba khwairini. Ndi nga ni sumbedza vhanzhi vha no khou funza tshikolo tsha Swondaha. Ndi nga ni sumbedza vhanzhi vha re thoho dza—dza madzangano mahulwane. Ndi nga ni sumbedza vhanzhi vha no ḫavha mukosi, vhanzhi vha no amba nga dindimi, vhanzhi vha no shuma mushumoni wa Mafhungo-madifha.

¹¹⁹ Fhedzi ntsumbedzeni muthihi ane fhasi mbiluni yawe a vha o dinalea zwingafho nga ḫwambo wa zwivhi zwa shango! Ntsumbedzeni mureri ane a nga ima ɿamusi nahone a haṭula idzo dinomineisheni. Ntsumbedzeni mureri a no do ima huno a amba zwithu, huno a haṭula idzo dinomineisheni. Ndi khwine a sa iti, u do pandelwa, iyo ndi thikhithi yawe ya zwiļiwa.

¹²⁰ A zwi mangadzi Billy Graham o vhudza Jack Moore, a ri, ha vholi uri miṭangano yanga i ima hani, a ri, "Ha Mubaphuthisi, kana nahone ha Mumethodisi kana Mupentekostaļa." Ha pfi, "Huno vhothe vha lwa nae." Nogoho, a thi khou amba uri... Tsho

itisaho uri ndi ambe, ndi nga si zwi ambe nn̄da vhathuni. Ndi zwi amba kha tshivhidzo tshanga. Ndi khou kakarika, ngauri awara ya u lingiwa i kha n̄ne.

¹²¹ Vha ri, “Arali ni tshi ḍo da, zwi ḍo vha zwo luga, fhedzi ni songo amba tshithu nga ha Ilo.” Ni nga tou difhumulela.

¹²² Ndi do rera zwe Mudzimu a amba uri rerani! Izwo ndi zwone. Muñwe wa avho vha malo u ḍo vha huiwe fhethu. Muñwe wavho u ḍo vha huñwe fhethu. Fhedzi nga ilo duvha a thi ṭodi u vha na mulandu wa u amba uri ndo leludza nga ñwambo wa inwe ndaela kana inwe pfunzo ya tshivhidzo, kana inwe dinomineisheni. Ndo rera Ngoho!

¹²³ Vha ri, “Ndi ngani ni sa iti, ndi ngani mushumo wañu u sa iti, Mukomana Branham, une wa vhonala u muhulwane nga maanda, ndi ngani u sa swieli vhunga zwine avha vhañwe vhanna vha khou ita?”

¹²⁴ Uyo u heneffo. Uyo ndi wone. Ndi dzhena mudini, naa ni elekanya uri Khuvhangano dza Assemblies dzi ḍo shumisana na n̄ne? Hu si kha zwine nda tenda zwone, a vha iti. Ndi nga di wana muthihi luthihi nga tshifhinganyana. Ni elekanya uri Mumethodisi a nga ralo? Lingedzani, huno ni wanuluse. Ivhani mulangi wanga lwa vhege. Arali na dzhena, ni ḍo dzhena nga Dzina la Yesu. Izwo ndi zwone.

¹²⁵ Oo, a hu na zwiñwe, vha ni wana heneffo, ngoho, vha ni wana heneffo huñwe fhethu kha fhethu, nahone uri ni sa vhe na vhutumani navho kha dziñwe ndila-vho dza u ralo. Huno zwenezwo musi ni tshi tuwa, ni ri, “Oo, zwino, Mukomana Branham u nga o bva ndangoni vhuluvhini zwiñkunyana, ni a divha. U . . .”

¹²⁶ Arali ndo bva ndangoni kha vhuluvhi, zwenezwo Bivhili yo bva ndangoni kha Pfunzo. Izwo ndi zwe Bivhili ya amba! Ee, muñe wanga. Sedzani!

¹²⁷ Yesu o ri, “Ndi ngani ni tshi Mmbidza ‘Belesebulu’? No tenda Salomo, tshiga tshawe tsha vhuñalukanyi. No tenda duvha lawe. Khosikadzi ya Tshipembe i bva migumoni ya lífhasi, u vhone itscho tshifhiwa, huno yo tshi tenda musi i tshi tshi vhone. Huno inwi ni a dzula huno na tshi sedza duvha na duvha, huno a ni tshi tendi.”

¹²⁸ Huno vharathu Vha Ene muñe a vho ngo Mu tenda. Ho pfi, “U khou gonya munyanyani,” A ri, “fhedzi A thi gonyi zwino.” A gonya nga inwe ndila, ngauri vharathu Vha Ene muñe a vho ngo Mu tenda. Izwo ndi zwone. “Khoro ndi thukhu, huno ndila ndi tsekene, huno a vha gathi vha no ḍo I wana.”

¹²⁹ Musi zwi tshi ḍa kha vhafunziwa, kha makhaulatshele, naa vho vha vhe ngafhi? Musadzi na munna vho ima tsini na tshifhambano Nae, Yohane na Maria. Vhañwe vhothe vho vha vho tuwa.

¹³⁰ Aya ndi makhaulatshele. Itshi ndi tshifhinga. Izwi ndi musi Mudzimu a tshi khou ita zwithu. Izwi ndi musi Mesia e kha lifhasi. Izwi ndi musi Maanda a Mudzimu a tshi khou shuma kha vhathu Vhawe. Huno vha vha vhidza “vhavhumbuluwi-vhakhethwa, vha pengaho, vho ḥanganaho ḥoho,” oo, zwo raloho. Fhedzi awara i fhano!

¹³¹ Hu na ngoho ya uri hu khou yo vha na u shoniswa huhulwane khaṭhuloni.

¹³² Oo, vemu ḥa halwa, li a ḫivha hune ḥa khou yo vha hone khaṭhuloni. Ngauralo na muzwimi wa ḫalwa u a ḫivha hune a khou yo vha hone. Ngauralo na murengisamuvhili u a ḫivha hune a do ima hone. Ngauralo na mugembuli u a ḫivha hune a do ima hone. Ngauralo na tshidakwa tshi a ḫivha hune tsha ḥo ima hone. A tshi nga ḥo shona.

¹³³ Fhedzi hune vho shoniswaho vha ḥo vha hone, ndi avho vho elekanyaho uri vho vha vho luga. Afho ndi hu re na u shoniswa. “Musi vha tshi swika ngei n̄tha, vho ri, ‘Ngoho, ro pandela vhodiabolo nga Dzina Lau. Ri vhareri. Ri vha zwiñwe-zwiñwe zwivhidzo. Ro ita madembe mahulwane. Oo, ro rera! Mulandu, ndo vha—ndo vha ndi muthogomeli tshivhidzoni. Ndo vha ndi bishopo. Ndo vha ndi *itshi*.’ Tuwani kha Nne, vhoiñwi vhaddzia-vhutshinyi, A tho ngo vhuya nda ni ḫivha na kathihi.” Khezwo. Uho ndi hone u shoniswa. O ri, “Vhana vha vhana vhavho vha ḥo dzhena huno vha dzula Muvhusoni, vha ri, ‘Ri na pfanelo ya u vha fhano,’ huno vha ḥo poselwa nn̄da ngomu swiswini ḥa nn̄da, hune ha ḥo vha na u tswimila na u lila na u shenganya mano.” “Khoro ndi ḥukhu, ndila ndi tsekene, i isaho Vhutshiloni, a vha gathi vha no ḥo i wana.”

¹³⁴ Kha vhoiñwi, vhathu vhanga vha funwaho, matsheloni ano, thetshelesani izwi. Na kathihi izwi a tho ngo zwi ita. Ndi na vhudifhinduleli ha u Li amba. Ndi zwenezwo fhedzi zwine nda vha na vhudifhinduleli khazwo. Arali ndi si nga reri iñwe theroy vbutshiloni hanga na kathihi, iyo ndi Ngoho: hu khou tou yo vha na vhathu vha si gathi vha no tshidzwa. Itonu zwi elelwa izwo: vha si gathi nga maanda fhedzi. Inwi ni vhe muñwe wavho.

¹³⁵ “Naa ndi vhonnyi, Mukomana Branham?” A thi ḫivhi. A hu na muñwe muthu-vho a no ḫivha. Ri shuma tshidzo yashu nga nyofho na u tetemela.

¹³⁶ Fhedzi inwi vhambelani na Mudzimu. Arali mbilu yanu i sa tou divhitha na iyo Bivhili, zwenezwo hu na tshiñwe tshithu tsho khakheaho, hu na tshiñwe tshithu tsho khakheaho. A hu londwi zwine tshivhidzo tshañu tsha amba, ni nga si dzhene nga izwo. Ni tea u dzhena nga zwe Mudzimu a amba. Iyi ndi Bugu ine na ḥo haṭulwa ngayo, Bivhili. Dzulani Nayo!

¹³⁷ “Oo,” inwi ni ri, “zwo luga, ndo lovhedzwa nga Dzina la Murena Yesu.” Izwo ndi zwone, iyo ndi Bivhili. Fhedzi arali uvho vhutshilo vhu sa i tevheli, a zwo ngo ni thakha nga maanda u lovhedzwa.

¹³⁸ Inwi ni ri, “Zwo luga, ndo ḥanganedza Muya Mukhethwa.” Izwo ndi zwavhudi, izwo ndi zwe na vha no tea u vha no zwi ita. Fhedzi arali vhutshilo vhu siho ngomu heneffho!

¹³⁹ Elelwani, tshene i ḥanganedza maanda eneo mathihi a no wela kha goroi u ita uri i aluwe, a ita uri tshene i ṭavhe mukosi, na yone-vho. Tshene ḥukhu ya kale i a ima nahone yo tou takala sa zwine goroi ya vha zwone. Izwo ndi zwone, i tshila nga vhutshilo honoho vhuthihi. Huno muitazwivhi a nga dzula Vhuhoneni ha Mudzimu, a ṭavha mukosi wa gundo, huno a tshila vhunga Mukriste. Fhedzi arali hu si na tshinwe tshithu tsho fhambanaho mbiluni! A nga di vha na eneo Maanda mathihi a u pandela mimuya mivhi. Yesu o amba nga u ralo. A nga rera Mafhungo-madifha zwavhudzi sa muñwe mureri-vho a tshi nga ita. Izwo ndi zwone kokotolo zwe, Yesu a amba nga u ralo. Bivhili i a zwi funza. Ee, muñe wanga. “Naho ndi tshi amba nga ndimi dza vhatthu na dza vharuñwa, naho nda ḥekedza muvhili wanga uri u fhiswe sa tshithavhelo, nda kovha thundu dzanga dzothe u kanzwa vhashai, ndi—ndi na lutendo u sudzulusa dzithavha, ndi tshi ita izwi zwithu zwothe, ndi tshi rera nga Dzina Lawe, ndi tshi pandela vhodiabolo nga Dzina Lawe,” a ri, “a thi tshithu.” Ngauralo, o vha a tshi nga kona u zwi ita, huno “a si tshithu.” Ni a pfectesa uyo muhumbulo?

¹⁴⁰ Zwino, tshithu tshi no tea u itwa ndi uri, u bva mbiluni yanu, ni vhe Mukriste, zwino dzenani nga khoro ḥukhu. Ngauri, ndila yo aṭama i no isa tshinyadzoni, huno vha milioni dzi tshi andiswa nga dzimilioni kha uno murafho wa vhatendi vha do dzhena ngomu heneffho. Ngauri, khoro ndi ḥukhu, huno ndila ndi tsekene, inwi na Kristo fhedzi.

¹⁴¹ “Ndila ndi tsekene i isaho Vhutshiloni, huno vha si gathi fhedzi vha do vha vhone vha no do i wana.” Zwino, ayo ndi Maipfi a Murena washu. Nñenñe! Naa O vha a tshi khou itani? O ima heneffho, a tshi khou ḥalukanya mihibulo yavho.

¹⁴² Huno o ri, “Ndi Ene Belesebulu. Zwo ralo, naa A nga vha hani Mudzimu? Ndi Ene Muthu! Naa uvhu vhuṭali ho bvafhi?” vha ri mudini Wa Ene muñe.

¹⁴³ Musi ni tshi dzhena ngomu mudini fhano, hu vhonala hu tshi nga... a thi ambi izwi nga u ni nyadza vho inwi vhatthu; ni Vhakriste, ni a mpfuna. Ni dzhena mudini hafha, huno hu vhonala hu tshi nga maanda a Sathane a a ni rwa na wela phasi. Afha fhethu ho haṭuliwa. Uyu mudi wo haṭuliwa.

¹⁴⁴ Naa Billy Graham o ri mini musi a tshi dzhena Louisville? O ri afho ndi “fhethu ho ḫalesaho maanda a madimoni” he a vhuya a hu vhona vhutshiloni hawe. A zwi anḍadza bammbirini, a ri, “Ni nga tou pfa mutsiko wa Diabolo.”

¹⁴⁵ A hu na zwiñwe, ndo vha ndi tshi do zwi pfa. Mulandu? Afha ndi haya hanga. Musi Yesu o vhuya hayani Ha Hawe, O ri mishumo minzhi ya maanda Ho ngo kona u i ita, nga ḫwambo wa u sa tenda havho. Ha pfi, “Muporofita a si a si na khuliso, mureri, nn̄dani ha musi hu shangoni ṥa hawe—la hawe, vhukati ha vhathu vha hawe.” Ni a vhona? Ni nga si zwi thivhele, Luñwalo lu amba nga u ralo. Ni a vhona?

¹⁴⁶ Zwino, musi ni tshi dzhena mudini hafha! Huno ni songo mmbudza uri ndo vha ndi si nga ḫivhi. Ndi ya kha vhathu vha no khaḍana na nqe huno vha ri, “Oo, Mukomana Branham, ndi a ni funa.” Huno ni a zwi ḫivha uri ayo ndi mazwifhi! Ni a zwi ḫivha uri ndi mazwifhi. Arali Mudzimu a tshi nga mmbudza vhūṭalukanyi ha mbilu, ndi ngani A si nga mmbudzi izwo?

¹⁴⁷ Ngoho, nahone henefho vhukati ha vhathu vha hanu u mona na muđi! Musi vha tshi ni vhona, vho ri, “Zwo luga, ni a ḫivha, ndo vhona he tshiñwe—tshiñwe . . .”

“Ngafhi? Naa tsho vha tshi ngafhi?”

“Ntha ha . . .”

“Huh! Ri a mu ḫivha uyo munna!”

¹⁴⁸ Ni a zwi pfa. I ri ni ndi ni vhudze, ni tendela muñwe muthu a tshi ḫa nduni yañu ane a sa ni takalele nga maanda, a dzula nduni yañu zwitukunyana huno a pfa uvho vhudipfi vhu songo doweleaho. Andisani izwo nga zwigidi zwa fumiña zwino, zwenezwo ni wana zwine nda khou amba nga hazwo. Zwenezwo ni dzhena fhethu hune muthu muñwe na muñwe a ni funa, uvho vhudipfi ha u ḫanganedzwa, fhedzi, yawee, nn̄enñe, huno ni nga tou dzula henefho lwa lini na lini, ni a vhona. Izwo ndi zwone, ni a vhona, ndi mya. Huno vhathu a vha ḫivhi uri naa ndi mini, vha a mangala uri ndi ngani vhathu vho tshikafhala zwingafha.

¹⁴⁹ Naa ndi tshini tshi no ita vhasadzi vhavhudí, naa ndi tshini tshi no ita vhasadzi vhavhudí uri vha ambare izwo zwiambaro zwa mikhwa mivhi huno vha bvela ngei nn̄da? Naa ndi tshini tshi no ita, u swika zwino musi hu tshi kha ḫi rothola, vhasidzanyana vha miñwaha ya fumirathi, vho ambara zwiambaro vha songo teaho u zwi ambara phanda ha mme avho, huno vha bvela nda tshiṭarañani? Ndi ngauri, hu si uyo ḫwana (uyo ḫwana ha ḫivhi zwiñwe zwa khwine-vho), fhedzi ngauri muñwe mureri kha phuluphithi o kundelwa u fara mushumo wawe. Izwo ndi zwone kokotolo. Ngoho. Vhasadzi vha ya tshiṭarañani, nahone vho ambara tshoṭhe lwa vhudzekani na zwithu zwa u ralo, huno vhaftazwivhi vha a vha sedza huno a

vha ḥivhi uri zwa vhukuma u na mulandu u no nga wa musi o tshila na uyo munna. Yesu o amba nga u ralo! Yesu o ri, “Ane a lavhelesa musadzi uri a mu emule, o no di ita vhupombwe nae mbiluni yawe, huno u do tea u zwi fhindulela nga ḫuvha la khaṭhulo.” Khoro ndi ḫukhu, huno ndila ndi tsekene!

¹⁵⁰ Ndi a zwi divha uri ni elekanya uri ndi munna a kondaho. A thi kondi! Ndi mukomana waṇu, nahone ndi a ni funa.

¹⁵¹ Shavhani vhuhalu vhu no do da! Iyani tshifhambanoni huno ni lile u swika mbilu yaṇu i tshi ḫala Muya Wawe, u no do ita uri ni furalele tshiñwe na tshiñwe tsha shango, huno na tshimbila nga u ofha Mudzimu phanḍa Hawe, mbilu yaṇu i tshi swela Ene. Lufuno! Hu si mushumo. Kristo a si mushumo, u shumela Kristo, ndi lufuno lu no shumela Kristo. Lu a ni kandeledza, lu a ni kombetshedza, u swika mudivhithe muñwe na muñwe wa vhutshilo haṇu u tshi divhitha Nae. Izwo ndi musi ni tshi vhona tshivhi.

¹⁵² Huno O tswimila kha lifhasi. Zwo ṭungufhadza Mudzimu maduvhani a Noaxe, musi A tshi vhona dzimbili. Huno Yesu o dzula muvhunduni, huno a ri, “Yerusalem, Yerusalem, ndi kangana Ndi tshi do vha ndo u kuvhatedza, fhedzi awara yau yo swika na nn̄u yau yo siiwa i shubi.”

¹⁵³ Zwi do ralo kha U Da ha Murwa wa Mudzimu, mbilu dza vhatendi vha vhukuma vha ngoho dzo kwashea. U a zwi vhona zwa zwino uri hu tea u vha na mvuseledzo i swielaho ili shango. Naa i nga vha hani nga tshivhalonyana tsha vha vhuṭondolo? Naa zwi nga vha hani, ngeno tsha u thoma vho haṭuliwa?

¹⁵⁴ Muvhuso wa Mudzimu u nga munna we a posela mambule lwanzheni, huno, musi o no a bvisa, a vha e na zwibode, dzitherapini, dzinowa, zwiḍula, dzinwe khovhe. Zwo vha zwi si kha ene u dzhia tsheo ya uri zwifhio, o tou zwi posela kha philiphili. Izwo ndi zwine Billy Graham, Oral Roberts, nne, na vhañwe vhareri vhothe vha no rera Mafhungo-mađifha, vha a posela nn̄a, vha a kokodzela ngomu, “Ngevho, Murena.” Fhedzi ri khou itani tshifhinga tshothe? Ri a wanulusa, ni sa athu humela murahu hafhu, zwo no humela henefho murahu kutivhani hafhu. Naa ndi mini? Tsha u thoma, tsho vha tshi tshibode. Izwo a zwo ngo tshi shandukisa, u fashwa mambuleni a Mafhungo-mađifha. Tsha u thoma tsho vha tshi tshibode. Tsha u thoma yo vha i therapini. Tsha u thoma yo vha i nowa. O vha e muhoi a sa athu vhuya a da ngomu tshivhidzoni. Ho ngo vha na lutamo lwa u litsha na u nwa hawen na u gembula, na u daha na u zwifha, na u tswa. O dzhena fhedzi nge a vha a tshi ofha vhudzulavhafu. Ni khou diita nnkhetheni o engedzeaho wazwo, musi ni tshi ita izwo. Izwo ndi ngoho. “Khoro ndi ḫukhu, huno ndila ndi tsekene, huno a vha gathi vha no do i wana.”

Kha ri rabele.

¹⁵⁵ Murena, oo, mphende, Murena. Lingulula fhungo langa zwa zwino, Murena. U songo ntendela u da phanda ha khathulo phanda Hau, nga murahu ha u rera nga iyi ndilà. Oo, arali hu na tshiñwe tshithu-vho tshi songo kunaho kha nne, Murena, tshi tuse, ndi a humbela! Ri vhona ḫuvha line ra khou tshila khalo, musi vhanna na vhasadzi vha tshi vho huduluwa zwingafho. Vha a shoniswa. Wo amba nga tshiñwe tshifhinga, “A hu na na u shona vhukati ha vhananyana vha Tsioni.” Vhudinyadzi havho ho tuswa u swika vha si tsha shona. Oo Murena, zwi elekanye! Ḵuno ḫivha uri tshifhinga hangei tshi khou divhitha tshi tshi ya, muniti muthihi kana mivhili hafhu, huno tshinyadzo khulwane i do da, zwenezwo uyo wa tshika nga a vhe wa tshika.

¹⁵⁶ Mudzimu, ri karuse roghe matsheloni ano. Ri dzinginyise, Murena! Ri vhona zwiga zwi tshi bvelela. Ro vula maqo ashu u ḫivha izwo. Ri vhona vha dzimilioni, dzimilioni, Murena, vho furalelaho nahone vha tuwa. Ndi a mangala, naa ndi nga itani, naa ndi nga itani, Oo Murena? Naa hu na tshiñwe tshithu, Murena? Arali zwi tshi dzhia u rera ho engedzeaho, thabelo yo engedzeaho, tshiñwe na tshiñwe tsho engedzeaho, nthuse, Murena, uri ndi kone u disa Mulaedza kha vhathe. Naa ndi nga itani? Fhedzi vha U furalela vha sa fhidzi. Iwe u ita zwiga Zwau zwihiwlwane huno wa shuma zwimangadzo Zwau, huno naho two ralo vhathe vha bvela phanda na u tshimbila. Naa ndi zwauri Luñwalo Lwau lu fanela u khunyelela, naa ndi tshifhinga tsha uri “A hu na muthu ane a nga da kha Nne nndani ha musi Khotsi Anga a tshi mu kokodza, na uri vhoghe vhe Khotsi a Nnea vha do da kha Nne”? Murena Mudzimu, tendela matsheloni ano uri vhathe vha karuwe huno vha vhone itsi tshiga tsha u fhedza tsha lifhasi. Ndi a rabela, Mudzimu, uri U do tendela vhathe tshiñwe tshithu.

¹⁵⁷ Fha^ṭutshedza avha vhathe vha^ṭuku fhano matsheloni ano. Mudzimu, thoma nga Murathu Neville, Murena. Fhodza muvhili wawe. U a lwala matsheloni ano, Murena, dangani ho rithea. Ndi rabela uri tshanda Tshau tsha phodzo tshi do vha khae. Ritha myua wawe.

¹⁵⁸ Mudzimu, iya vhukati ha itsi tshividzo. Hu na vhanna na vhasadzi vho dzulaho hafha vhane zwi nga itea nda si tsha vha vhona hafhu na kathihi u swika nga ilo ḫuvha khathuloni, zwenezwo ndi tea u ḫifhindulela. Fhedzi ndo vhala Ipfi Lau, “Khoro ndi thukhu, huno ndila ndi tsekene, huno fhedzi a vha gathi vha no do i wana.” Oo Murena, i ri avha vha vhe avho “vha si gathi,” vhañwe vhavho, naa U do ralo, Murena? Tendela muthu muñwe na muñwe a re fhano zwenezwo.

¹⁵⁹ Ndi rabela sa muthu fhedzi a tshi nga rabela. Murena, avha vhathe vha do nnyitela tshiñwe na tshiñwe, kha u swika hune vha nthusa. Arali ndo vha ndi na ndala, vho

vha vha tshi do nkanzwa. Arali ndo ṭoda swuthu, vho vha vha tshi do i renga. Vho vha vha tshi do ṭuwa vhothe vha nthengela modoro, wa u yo rera Mafhungo-madifha. Vho vha vha tshi do ita tshiñwe na tshiñwe nga iyo ndila. Oo Khotsi, fhenda mimuya yavho matsheloni ano, ndi a humbela uri u ite, huno u vha tendele u i fhenda phanda Hau. A thi ḋivhi, ndi a fulufhela uri muñwe na muñwe wavho u kha avho Vhanangiwa. Huno mmbée heneffo, na nne-vho, Murena. Huno arali hu na tshiitisi tshiñwe-vho kha nne tshi no do ita uri ndi si vhe heneffo, Murena, Iwe i tou nnzumbululela tshone, ndi do tshi lugisa zwa zwino. Ndi ṭodou vha na ngoho, Murena, uri nga ayo matsheloni a hu nga vhi na vhuleme mulamboni. Ndi ṭodou dzhena nga ilo duvha. Huno a thi ḋivhi uri ilo li do vha lini, li nga kha di vha namusi. Ngauralo, nthuse u ḋivha, thusa avha vhathe u zwi ḋivha.

¹⁶⁰ Huno musi ri tshi vhona mbilu dzashu dzi sa kwamei! Oo, ri diphina nga u thetshelesa Mulaedza wavhudi kha radio, kana u ya tshivhidzoni. Ri takalela Mulaedza wavhudi. A ri lemelwi ri tshi amba nga ha Yesu huñwe fhethu. Fhedzi, Murena, naa tshivhi tshi muhwalo mungafho kha rine, huno tshi disa miñodzi mañoni ashu, u gomela na u lila na u ima ri tshi lwa natsho, tshiñwe na tshiñwe, vhuñdzi ho itwaho mudini? Murena, i ri Muruñwa wa Mudzimu a vhone izwo kha riñe, huno a ri swaye. Zwi tendele, Murena.

¹⁶¹ Naho zwo ralo ida, Murena Yesu, zwino huno u lugise mbilu dzashu, nahone u ri nee zwiga Zbau zwa ngoho zwa uri U vhukati hashu, uri ri kone u zwi ḋivha uri ri khou ḫanganedza—ᬁanganedza tshiga tsha u fhedza magumo a uyu murafho a sa athu swika.

¹⁶² Huno ri vhona zwiito zwa vhuñdolo, musi munna a tshi khou tshila kha lushaka huno a tshi vhá na vhusie ho bebwaho nga vhabumakadzi vha muñwe munna, na—na vhasidzanyana tshiñarañani, huno vha madana vha tshi humiswa zwikoloni ñwaha muñwe na muñwe huno vha miñwaha ya fumi vha tshi khou vha vhomme, huno a hu na ḫonifho, na nga ndila ine vhasadzi vha khou vha mulimo, vhone vhañe, nga u daha na—na u nwa, na dzithelevishini na zwiñwe-vho zwi no khou tshinya ḫalukanyo dza vhana. Oo Murena, naa zwi do ima nga ndila iyi u guma lini? Huno Iwe, u Mudzimu Mukhethwa!

¹⁶³ Oo Khotsi, ndi—ndi dipfa nga ndila i kanukisaho ñamusi uri tshiñwe tshithu tshi fanela u itwa nga u ḫavhanya, Murena. A thi ḋivhi zwine ndi nga amba, fhedzi ndi a rabela, Murena, uri U do vhea mbiluni dzashu zwine ra tea u ita. Tendela izwi zwithu, Murena. Ri a zwi humbela Dzinani la Yesu. Amene.

¹⁶⁴ Awara i tsini. Muthu muñwe na muñwe o talifhaho a re na ngelekanyo, u a zwi ḋivha uri tshiñwe tshithu tshi tsini

na u bvelela. A hu na muthu ngomu tshifhaṭoni itshi, a re na thalukanyo yo lugaho, a sa zwi ḋivhi uri ili shango li nga si kone u ima fhasi ha idzi nyimele.

Ri nga si ime, dzikhonani. A hu na na tshithi na tshithihi, sa mufunzi waṇu na mukomana waṇu, a hu na na tshithi na tshithihi tshire ndi nga ni endedzela khatsho matsheloni ano nga nnnda ha Yesu Kristo. A hu na na tshithi tshire nda tshi ḋivha. Itonu elekanya nga ha zwithu zwo porofitwaho uri zwi ḋo da U Takulelwā Taḍulu hu sa athu itea, tshiñwe na tshiñwe tshire nda tshi ḋivha tsho no di khunyelela.

¹⁶⁵ Inwi ni ri, “Mini-ha nga ha luswayo lwa ḋivhanda?” Ilo li do da Matunguni. Tshivhidzo tshi ḋo vha tsho no ḫuwa tshifhingani itsho. Avha vha nga si tee u swaiwa, avha vho no di ḫuwa, ni a vhona. U swaiwa hu khou bvelela zwino. U swaiwa ndi u sumbedza, pfungavhuṇe. Shavelani kha Mudzimu, shavelani Khae nga u ḫavhanya!

¹⁶⁶ Ndi a mangala matsheloni ano, musi ro lindela hafha lwa tshifhinganyana. Huno ndi ḋipfa vhunga inwi. Ndi—ndi kona u pfa vhudipfi haṇu, muṇwe na muṇwe waṇu a tshi khou lingedza u elekanya, “Oo Mudzimu, mphende!” Iyo ndi ndila ine nda ḋipfa, na nne-vho. Ndi a ṭalukanya uri iyi Milaedza yo raliho, khonani, a i takalelwi vhukati ha vathu. Ni a i haṭula nahone na i haṭu...ni—ni tou i tsitsela fhasi. Muṇwe muthu u tea u ita izwo. Ndi tama khamusi ho vha hu muṇwe muthu-vho. Fhedzi arali zwo nndivha uri ndi zwi ite, arali ndi tshi tea u vha musadzi wa u koropa, kha ndi korope. Arali ndi...Dafita o ri, “Ndi nga ḥamba nda vha methe wa muṇangoni Nđuni ya Mudzimu, u fhira u dzula dzidenndeni na tshivhi.” Izwo ndi zwone. Tshiñwe na tshiñwe tshire Mudzimu a ḫoda ni tshi tshi ita, tshi iteni. Ni songo vha na ḫtoni. Arali hu na...

¹⁶⁷ Huno, elelwani, ndi a zwi ḋivha uri itsho ndi tshithi tshihulwane. Ni ri, “Mukomana Branham, ni ri mimuya ya malo fhedzi i do tshidzwa?”

¹⁶⁸ A thi ḋivhi uri hu ḋo tshidzwa mingana, ndi nga si ni vhudze. Fhedzi ndi amba tshithi tshithihi: vha ḋo vha vha si gathi nga maanda, kha ḫuvha li no nga ili. Itonu elekanya, nga ilo ḫuvha le A vha e khaļo, ho tshidzwa vhangana. Elekanyani nga ha ḫuvha la Noaxe, na ḫuvha la Loto—Loto, na avho vhothe, O ri, “Zwi ḋo ralo kha u da ha Murwa-muthu, ngauri, khoro ndi ḫukhu, huno ndila ndi tsekene.” Ni a vhona, ni dzhena nga inwi mune, na Ene, huno ndi zwenezwo fhedzi. Ni a vhona? “Huno fhedzi vha si gathi vha ḋo vha hone vha no i wana.” Naa ndi vhangana vha no tenda ūri iyo ndi Ngoho ya Mafhungo-madifha? Yesu Kristo o amba nga u ralo, “Vha si gathi vha ḋo vha hone vha no i wana.” Hu tou vha vha si gathi nga maanda. Ivhani muṇwe wa avho vha si gathi. Ndi a zwi

divha uri izwo zwi a kondà, zwi a lemela. Huno zwi a nndemela ù zwi amba, ndi tshi pfà lufuno lwa muthu kha inwi, fhedzi lufuno lwa Mudzimu lu a nkombetshedza u ni vhudza.

¹⁶⁹ Zwino, Muya Mukhethwa wonoyo muthihi we wa shuma mađuvhani a Abrahamu, wo shuma mađuvhani a Kristo, wo fulufhedzisa u vha fhano u ita zwenezwo zwithihi. U fhano. Zwino, arali ndo ni vhudza Ngoho, Mudzimu u a kombetshedzwa nga iyo Ngoho.

¹⁷⁰ Arali ndi sa vhulungi ipfi ḥanga, a thi munna wa ipfi ḥanga. Arali ni sa vhulungi ipfi ḥanu, a ni munna wa ipfi ḥanu. Zwino, ndi nga di ni fulufhedzisa tshiñwe tshithu huno ndà kundelwa u tshi ita, fhedzi—fhedzi ndi do da nda ni vhudza. Arali ndi tshi ni koloda tshiñwe tshithu, huno nda ni dzumbamela, ndi muhoi. Arali nda da nda ni vhudza, “Ndi a ni koloda, fhedzi a thi koni u ni badeña, fhedzi ndi do ita zwa khwinesa zwine nda kona,” zwenezwo ni a nkhangwela na nthusa. Ni a vhona?

¹⁷¹ Rothe ri koloda Mudzimu tshiñwe tshithu. Ri Mu koloda matshilo ashu. Kha ri fulufhedzee nga hazwo. Ni bvela nnda huno na ri...Ni songo ri, “Zwo luga, zwino sedzani, ndi—ndi Mupuresbiterieni. Ndi Mumethodisi. Ndi Mupertekostala. Ndi Tshivhidzo tsha Mudzimu. Ndi Munazarini. Ndi Vhukhethwa ha Mufhiri.” Ni songo zwi elekanya izwo! Hu do vha na milioni dza avho vha re vhudzulavhafu. Inwi ivhani Mukriste, kha Kristo.

¹⁷² Naa ndi vhangana vha no do ri, “Mukomana Branham, ni nnyelelwé thabeloni zwino, ndi ḥodou vuwa”? Mudzimu a ni fhaṭutshedze.

¹⁷³ Murena, U vhona zwanda zwavho. Awara i fhano, Muya Mukhethwa muhulwane wo fhumudza itshi tshifhaṭo matsheloni ano. Ndi pfa Vhuhone Hau. Ndi a ḥalukanya uri U fhano u hulisa Ipfì Lau, “Nñe Murena ndo ḥavha, huno Ndi do li sheledza masiari na vhusiku, uri muñwe a sa li bvise tshandani Tshanga.” Wo rumela Ipfì Lau u ita ndivho, huno Li do—Li do tea u ita izwo, Murena. Luñwalo lu amba uri U a sa shanduki mulovha, ḥamusí, na lini na lini.

¹⁷⁴ Vho kundelwa u tenda, avho vhatu mađuvhani Au vho kundelwa u tenda uri Muya Mukhethwa wo vha u kha Iwe. Huno Wo Diita (u Muthu) Mudzimu, zwe, Wo vha u Murwa wa Mudzimu o bebwaho nga musidzana we a da kha ḥifasi u ri phulusa zwihini zwashu. Huno ngauri vho vhona Muya wa Mudzimu kha Inwi, vho lingedza u zwi ita uri zwi vhe zwo fhambanaho. Huno Wo vha vhudza, Murena, “A si Nñe a no ita mishumo, ndi Khotsi Anga a dzulaho kha Nñe. U ita mishumo. Arali no vhidza Abrahamu ‘khotsi’ anu. Abrahamu o vhona duvha ḥanga.” Ngoho, o ita, musi o vha o ima tsini Nae, a Mu vhona a tshi ita iyo mishumo na tshiga. “O vhona duvha ḥanga huno a takala.” Ha pfi, “Ni a khakha, nga u sa divha Luñwalo naho hu Maanda a Mudzimu, uri Mudzimu u

do tsira hani musidzana, huno a beba Murwa (nga mbebo ya musidzana) huno a Didzulela kha vhudalo ha Maanda Awe, kha uyo Munna muthihi.”

¹⁷⁵ Na nga ndila ye A vha a tshi nga dzhia ayo Malofha mathihi a bvaho kha uyo Muvhili we A u nekedza sa Tshithavhelo, huno a khethefhadza vhathu uri Ene muñe a kone u dzula ngomu, a bvela phanda na mushumo Wawe u swika magumoni a pheledzoni! Oo Mudzimu, karusa vhathu uri izwo vha zwi vhone. Zwi tendele. Tshidza muñe na muñe we a imisa tshanda tshawe. Kunakisa mbilu dzavho. Murena, zwanda zwanga zwi nthā. Nkunkakise, Oo Murena. Iyi ndi nn̄du ya khakhululo. Afha ndi fhethu hune ra tea u tanzwiwa. I ri Muya Mukhethwa u ri ḥanzwe matsheloni ano, huno u ri ḥanzwe kha u tshinyala.

¹⁷⁶ Ri a rabela, Murena, uri hu si vhe na muthu a no ṭuwa fhano nga nn̄da ha ane a do vha o dala Muya Wau. Khamusi hu nga si vhe na vhudipfi na vhuthihi vhu bvaho nn̄da musi zwi tshi bvelela. Fhedzi, Murena, dzhena nga ngomu, bvisa khumba huno u ri sumbedze zwine ra vha zwone, Murena. Zwi tendele. Huno zwenezwo ri ḫadze Muya Wau, nga mbilu i re ya ngoho na yo ḫambaho. Huno kha itsi tshifhinga tsha mitovholo na milingo i kondaho, U do engedzea u ri difhela na u funiwa kha rine ri tshi tshimbila, ro lindela ilo ḫuvha. Musi mitodzi i tshi khou elela maramani ashu, u itela zwivhi zwa muđi, ngavhe Muya Mukhethwa u tshi sedza fhasi huno wa ri, “Hu na muthihi ane Ndi nga mu swaya, ndi Wanga wa munna, ndi Wanga wa musadzi.” Zwi tendele, Murena. Ngavhe zwi tshi wanwa vhukati hashu ḫamusi. Ri a zwi humbela Dzinani la Yesu. Amene.

Musi ndi tshi ḫa mulamboni magumoni a
duvha,
Nā mimuya ya u fhedza ya vhuṭungu yo no
vhudzula;
Hu do vha na Muñwe o lindelaho a no do
ntsumbedza ndila,
A thi nga tei u pfuka Yorodane ndi ndothe.
A thi nga tei u pfuka Yorodane ndi ndothe,
Yesu o fa u pfumelela zwivhi zwanga zwothe;
Musi ndi tshi vhona swiswi, U do vha o
nndindela,
A thi nga tei u pfuka Yorodane ndi ndothe.

¹⁷⁷ Ndi ḫodou Mu ḫivha zwino. Dzhia tshanda tshanga, Murena wa vhuthogwa, nthange phanda, i ri ndi ime. I ri ndi ime hafha, Murena, ndi tshi lwa na tshiñwe na tshiñwe tshi no vhidzwa uri tsho khakhea, tshiñwe na tshiñwe tshi vhonalah tsho khakhea. A thi londi zwine muñe muthu a amba, i ri ndi ime, Murena. Musi ndo no ita zwothe zwine ndi nga ita, nthuse u ima. Dzhia tshanda tshanga huno u nkokodze ngatsho,

Murena. Ita tshinwe tshithu, i ri ndi ime. Musi izwo zwithu zwi tshi ḏa, na madzanga a lino shango na zweṭhe zwa maṭeletele alo na vhugala halo; pofudza maṭo anga khazwo, i ri ndi vhone fhedzi Ene We a mpfela. Arali zwi tshi ita uri hu tshinyale khonani iñwe na iñwe ine nda vha nayo, arali zwi tshi ita uri hu tshinyale tshinwe na tshinwe tshire nda vha natsho; izwo a zwi ambi na tshithu na tshithihi, ndi zwi nekedza zweṭhe kha aliṭari. Izwo ndi zwone, i ri ndi ime ndi wa u fulufhedzea. Huno liñwe ḏuvha musi mufemo u tshi khou vhudzula tshifhātuwoni tshanga, huno ndi a zwi ḏivha uri mbilu yanga yo ṭuwa na mađuvha anga o fhela, na tshifhinga tshanga tsho guma nahone garata yanga yo dzhiwa ragani, ndi ḥoda u sa pfuka Yorodane ndi ndothe. U do vha e heneffo. Iina. Musi ndi tshi vhona swiswi, U do vha o nndindela heneffo, a thi nga tei u pfuka Yorodane ndi ndothe. Arali ndi tshi do Mu imela zwino, U do nnyimela nga itsho tshifhinga. Ndi do tshilela Ene We a mpfela, vhutshilo hanga vhu do takala hani tshifhingani itsho. Iyo ndi ndila ine nda ḥodou ima.

¹⁷⁸ Ndi a humbulela uri hu na vhathu vha lwalaho fhano. Naa o kovha dzinwe garata-vho? Ndo hangwa. Naa vho kovha dzigaraṭa? Naa hu na dzinwe garata-vho dzo kovhiwaho? Naa hu na muthu a re na garata dza thabelo? Hai.

¹⁷⁹ Ndo lindela fhedzi Muya Mukhethwa. Arali ni tshi tou tenda fhedzi, itonu vha na lutendo, ni songo timatima. Arali Mudzimu a tshi do nnzumbululela vhuleme hanu... Vhuniwe na vhuniwe vhune ha vha hone, a thi ḏivhi; arali ni tshi imisa tshanda tshanu, a ni nndivhi na nne a thi ni ḏivhi. Zwenezwo arali Mudzimu a tshi do dzumbulula hafha, naa ni do tenda uri ho vha hu onoula Muruṇwa muthihi we a disa Mulaedza hu sa athu da tshinyadzo murahu hangei, hu do vha onoyo Muruṇwa muthihi we a vha a tshi khou u ḏisa zwa zwino hu sa athu da inwe tshinyadzo. Naa izwo ni do zwi tenda? Arali ni tshi do ralo, imisani tshanda tshaṇu. Zwo luga. Zwo luga, ngavhe Murena a tshi zwi tendela.

¹⁸⁰ O dzula tsini na nne. Hu na muṇwe o dzulaho tsini na nne, ndi Vho-Mme Snyder hafha, kana avha Vho-Mme Murphy hafha, zwine dzina ḥavho ḥa vha zwone, vho dzulaho heneffha. Ndi a vha ḏivha.

¹⁸¹ A thi ḏivhi uyu munna, ndi mutsinda kha nne. Fhedzi Mudzimu u a mu ḏivha. Arali Mudzimu a tshi do zwi dzumbulula zwino, ndi vhanganha vha no zwi ḏivha uri a si...

¹⁸² Ni songo ntsedza. Nnenne, ndi tshikandavhurukhu tsha Kentucky, u ya nga izwo. A—a thi na na pfunzo yo edanaho, i a sha ea, u—u ḥwala dzina ḥanga. Fhedzi hu na tshithu tshithihi tshire nda tshi ḏivha, ndi a Mu ḏivha. Huno izwo, ndi zwenezwo—ndi zwenezwo fhedzi zwine nda londa u zwi ḏivha. Zwino, ni songo—ni songo zwi dzhieila n̄tha zwine luambo lwanga lwa vha zwone.

¹⁸³ Huno ni nga di elekanya uri thero yanga matsheloni ano yo vha yo bva tshothe ngonani na tshiñwe na tshiñwe, inwi i vhambedzeni na Bivhili nga tshiñwe tshifhinga huno ni vhone arali ni si heneffo kha gobane ya pumu. Vhonani arali tshikoupu tshañu tshi siho ngomu musi ni—musi ni tshi tshi vhea heneffo nthā. Ni songo i vhambedza na mihibulo yanu, fhedzi i vhambedzeni na zwe A amba. “Khoro ndi thukhu, ndila ndi tsekene, huno vha si gathi vha do vha hone vha no do i wana; ngauri ndila yo atama i isaho dzitshinyadzoni, huno ndila yo vulea, huno vhanzhi vha do dzhena ngomu khayo,” vha milioni dzi tshi andiswa nga dzimilioni dzi do dzhena ngomu heneffo. Nthihi kha dza milioni khamusi i do vha ndila ine zwa da. Khezwo. Izwo ndi zwe A amba. Zwino, na kathihi Ho ngo nea iyo nomboro, fhedzi O ri, “Sa zwe zwa vha zwi zwone mađuvhani a Noaxe, mimuya ya malo. Sa zwe zwa vha zwi zwone mađuvhani a Sodoma, vhararu.” Kha tshithu tshothe, vhararu vho tshidzwa, nga mulilo. Zwi do vha nga u ralo!

¹⁸⁴ Zwino, arali muñwe muthu e wa muya zwa vhukuma, ndi ḥoda ni tshi sedza uyu munna o dzulaho hafha, o ntsedza a sa fhidzi nga hune a kona. O imisa tshanda tshawe, a thi mu divhi; na kathihi a thi athu mu vhone, náhone a thi divhi tshithu nga hae. O tou dzula heneffo o ntsedza. Fhedzi, ni a vhone, u khou ita vhuṭumani, u khou rabela. Zwino, izwo ndi zwone. Zwino, arali Murena a tshi do mmbudza... Uyo munna o dzulaho vhukule vhungafho u bva kha nne, huno iyi ndi mitangano yashu ya u thoma, huno ngoyo o dzula heneffo. Arali Murena a tshi do nnzumbululela zwe a—zwe a... ndo—ndo kundelwa u mu fhodza. A thi, ndo kundelwa u ita hezwo, ngauri Mudzimu izwo o no di zwi ita. Fhedzi zwi do engedza lutendo lwañu. Muñwe na muñwe u a vhone zwino, U heneffha, wonoyo Muya muthihi fhedzi. Huno elelwani, Yesu o fulufhedzisa izwi, tshifhinga tsha vhufhelo tshi sa athu da. Tshifhinga tshothe tsha vha tshiga tsha u fhedza.

¹⁸⁵ Liñwe duvha, nne na Leo ro vha ro dzula tshiñarañani, huno vhañwe vhashu ri tshi khou amba. Huno nda dzulela u pfa uri hu na tshanduko i no khou da, tshanduko i no khou da. Musi ro amba nga hayo, yo vha i si nga vhi tshanduko mushumoni wanga, ngauri i nga si tsha kona u vha hone, fhedzi i do vha tshanduko kha nne. Nne tshifhinga tshothe ndo vha muhoña huno nda tendela fhedzi vhatu u nthanga phanda na u nnyendedza, huno vha rumela thungo *iyi* na thungo *iyo*. Arali ndo vha ndo ita tshiñwe tshithu tshe Murena a mmbudza uri ndi tshi ite tshifhingani tshilapfu tsho fhiraho, ndo vha ndi si nga vhi kha vhuleme vhune nda vha khaho ñamusi. Ndi khou bva iyi vhege i tevhelaho u vha ndi ndothe na Mudzimu. Ee, muñe wanga. Ndi—ndi fanela u pfa zwi bvaho Tađulu. A thi ḥodi u vha muhoña, ndi ḥodou ima kha zwine nda zwi tenda.

¹⁸⁶ Munna uyo, zwi dzulela u vhuya murahu heneffo khae, o dzula heneffo murahu, ngauri uyo munna u khou tenda, u khou tenda zwa vhukuma. Ndi sedza vhathetshelesi huiwe na huiwe, huno zwi wela tswititi heneffo murahu kha munna. U na thodea, u a lemelwa, fhedzi u a lemelwa vhudzuloni ha muñwe muthu-vho. Izwo ndi zwone. Ni khou rabelela muñwe muthu-vho. Ni na muñwe muthu-vho kha mbilu yañu. Izwo ndi zwone, naa a zwo ngo ralo? Ndi khonani. Arali nda ni vhudza uri thaidzo ndi mini kha iyo khonani, naa ni do ntenda uri ndi mulanda wa Mudzimu? Ndi gobi. Izwo ndi zwone. Arali izwo zwi zwone, imisani tshanda tshañu.

¹⁸⁷ Naa ni a tenda? Muñwe muthu nga hangeno o imisa tshanda tshawe, musadzi murahu hangeno, muñwe muthu. Ee. Iina. A ni nnñivhi? Ndi mutsinda kha vhoiñwi noþhe? A thi ni ñivhi, fhedzi Mudzimu u a ni ñivha. Ni a zwi tenda izwo? Arali Mudzimu a tshi do nnzumbululela zwine zwa vha kha mbilu yañu, naa ni do ntenda uri ndi mulanda Wawe? Mufumakadzi muñku, tshine na dinalea ngatsho ndi ulwo lushie heneffo. Izwo ndi zwone. Huno ulwo lushie lwo tswukuluwa lukanda tshifhañwoni tshalwo. Dokotela a hu na tshine a nga ita nga hazwo. Ni mutsinda fhano, nahene inwi na mufunwa wañu o dzulaho heneffo. Ni a tenda uri Mudzimu a nga mmbudza uri ni nnyi kana hune na bva hone? Ni a zwi tenda? Naa ni do tanganedza phodzo ya lushie arali A tshi do zwi ita? [Mufumakadzi u ri, “Ee”—Mudz.] Zwo luga, ni nga humela murahu Somerset, Kentucky, hune na bva hone. Huno na tenda uri u do wana mutakalo, u tswukuluwa lukanda hanu hu do ñutshela lushie arali ni tshi nga zwi tenda.

¹⁸⁸ Musi ndo bu la ilo ipfi, muñwe muthu o imaho murahu heneffo holoni, a bvaho Somerset, Kentucky, u khou rabela, u na vhuleme ha mbilu. Ni a tenda uri Mudzimu u do vha nea mutakalo? Arali ni tshi zwi tenda nga mbilu yañu yoþhe, huno na tenda uri Mudzimu u do fhodza nahone a nea mutakalo.

¹⁸⁹ Hafha, hafha hu na, ndi tenda uri tshanda tsha muñwe muthu tsho takuelwa nñha ngomu hafha, heneffo nga thungo, ha mufumakadzi. Iina, ndo vhona tshanda tshañu. Naa ndi mutsinda kha inwi, mufumakadzi? A thi ni ñivhi. A ri athu tangana na kathihi. Naa ni a ntenda uri ndi mulanda Wawe? [Mufumakadzi u ri, “Ee.”—Mudz.] Ni a ralo? Ni na muhwalo kha mbilu yañu, kana tshiñwe tshithu. Ni a tenda uri arali Mudzimu a nga nnzumbululela zwone, ni do tenda uri Ndi wonoyo Muya muthihi we wa vha u kha Kristo? Munna wañu o dzulaho heneffo, u tenda zwenezwo zwithihi, na ene-vho? Naa ni do tenda zwenezwo zwithihi? Ndi malugana na musidzanyana wañu o dzulaho tsini na inwi heneffo. Izwo ndi zwone, u na pfuko. Fhedzi ni a tenda uri Mudzimu u do mu fhodza? Arali ni tshi ita, imisani tshanda tshañu. Zwo luga, vheani zwanda zwañu nñha ha ñwana.

¹⁹⁰ Murena Yesu, Vuhoneni ha Muya Wau, ndi haṭula diabolo a no khou vhulaha ḥwana. Ndi vhea, nga lutendo, Malofha a Yesu Kristo vhukati ha uyo muvhulahi na ḥwana. I ri a tshile. Amene.

¹⁹¹ Ivhani na lutendo kha Mudzimu. Ni songo timatima. “Arali ni tshi nga tenda, zwithu zweṭhe zwi a konadzea.” Arali ni tshi nga tenda, zwithu zweṭhe zwi a konadzea. Ndi zwone-zwone.

¹⁹² Muṇwe muthu-vho murahu heneffo o imisa tshanda tshawe, huṇwe fhethu, inwi, mufumakadzi nga hangei magumoni. Ni a ntenda uri ndi mulanda wa Mudzimu? A thi ni ḫivhi, a ni nnḍivhi. Ni a tenda uri Mudzimu a nga nnzumbululela uri vhuleme hanu ndi mini? Naa ni do tanganedza Yesu uri a vhe Mufhodzi waṇu kana Mudisedzi, tshiṇwe na tshiṇwe tshine tshi nga vha tshone—tshiṇwe na tshiṇwe tshine tshi nga vha tshone...? Ni a zwi tenda-ha? Zwo luga, zwenezwo u vundea ha ulwo luṭaledzi he na vha ni naho, uvho ndi hone he na vha ni naho. Arali izwo zwi zwone, imani nga milenzhe yaṇu, arali izwo zwi zwone, u itela fhedzi uri vhathu vha vhone uri ndi ngoho. Zwo luga, vhu do ni ṭutshela zwino. Iyani hayani huno ni vhe na mutakalo. Mudzimu a ni fhaṭutshedze.

Ni bva Kentucky, na inwi-vho. Uh-huh, izwo ndi zwone.

¹⁹³ Mufumakadzi o dzulaho tsini na inwi u bva Kentucky, na ene. Ene, na ene. A thi ni ḫivhi, naa ndi a ralo? Fhedzi ndi nga ni vhudza uri ni na tshiṇwe tshithu tsho khakheaho kha inwi. Arali ndi tshi nga ni vhudza tsho khakheaho kha inwi, ni do tanganedza Kristo sa Mufhodzi waṇu? Tshi khunduni dzaṇu. Arali izwo zwi zwone, imisani tshanda tshaṇu, nṭha-nṭha uri vhathu vha kone u vhone. Zwo luga, iyani hayani zwino, vhu do ni ṭutshela. Lutendo lwaṇu lu ni ḫea mutakalo.

Ndi ni itela khaedu ya uri ni tende. Ndi itela lutendo lwaṇu khaedu ya u tenda.

¹⁹⁴ Ngoyu mufumakadzi o dzula hafha, u khou rabela, u na sagaduku tshawe kha tshifhaṭuwo tshawe. A thi ni ḫivhi. Mudzimu u a ni ḫivha. Ni bva Joliet, Illinois, huno ni na tshizwimbo. Izwo ndi zwone kokotolo. Ni nga ḫi mangala... (Ee, uyo ndi—uyo ndi musadzi we Rosella a mu disa. Izwo ndi zwone. Imani, o mmbudza nga ha hezwo, fhedzi na kathihi ho ngo zwi ḫivha uri na kathihi a tho ngo ḫivha uyo musadzi. Izwo ndi zwone. Zwi sokou bvelela nge lutendo lwa musadzi lwa vha lu luhulwane.) Ndi do ni vhudza tshithu tshithihi tshine na—na tshi ḫivha uri a thi tshi ḫivhi. Ni khou rabelela uyu ḥwana o dzulaho hafha magumoni a tshidzulo, a no lwala. Uyo ndi ḥwana waṇu. Izwo ndi zwone. Amene. Ni a zwi ḫivha uri izwo a tho ngo zwi ḫivha.

¹⁹⁵ Asuyo Wone, Ndi Muya Mukhethwa! Naa ni a U tenda? Naa ni a U ḫanganedza? Zwenezwo arali izwo zwi zwone, zwe

nda amba nga ha “khorø ndi ḥukhu, huno ndila ndi tsekene” ndi zwone. Yesu Kristo, Murwa wa Mudzimu, u henefha zwino. Muya wa Mudzimu a tshilaho u henefha. Naa ni a U tenda? Zwenezwo, u ni divhadza uri a thi muthu a fhodzaho, a thi mufhodzi, fhedzi Muya wa Mudzimu o tou nnanga uri ndi Mu vhonadze. A thi na pfunzo. A thi na ndivho ya tshiñwe tshithu. Fhedzi ndi Muya Wawe u no zwi ita, ni a vhona, huno U ṭoda inwi ni tshi zwi ḫivha uri ndo ni vhudza Ngoho.

¹⁹⁶ Iyi ndi Ngoho, uri Yesu Kristo u ḫea muñwe na muñwe wañu mutakalo zwa zwino arali izwo ni tshi ḫo zwi tenda. Zwino vhunga fhedzi... Arali Yo shuma ngei Kingston, he vhafunziruñwa, kana onoyo a re ene murahu henefho, o I vhona i tshi shuma ngei Kingston, nga vha zwigidi vha tshi fhodzwa, ndi ngani I sa ḫo shuma fhano kha ilí Amerika hume ra vha na ndila ine zwa vha ngayo zwino? Ndi ngani ri sa zwi tendi? Ngauri ri nga si kone u pfuka uyo mulambwana hangei. Naa ni a zwi tenda? Imisani zwanda zwañu.

¹⁹⁷ Zwino, izwo zwanda zwenezwo zwithihi, vheani kha muñwe muthu a re tsini hañu, ni ri ndi mu rabelele u bva henefha, huno ni songo tsha vha na u timatima mbiluni yañu, izwi zwi ḫo zwi gumisa.

¹⁹⁸ Yawee, nñenñe, Murathu Neville! Nga ndila ye nda tama ngayo, nga ndila ye nda rabela ngayo, nga ndila ye nda... Ni nga di elekanya uri ndi a penga; a thi ralo. Ndi a ḫivha henefho hune nda vha hone. Arali ndi tshi nga ḫisa fhedzi itshi tshithu tshiñku kha inwi! Naa ni a talukanya uri Yesu Kristo, Murwa wa Mudzimu, hafha vhukati ha vhathu matsheloni ano, zwa zwino, u hone zwa zwino, u khou Diñana?

Zwo ralo, inwi ni ri, “Mukomana Branham, *no* amba izwo.”

¹⁹⁹ Naa ndo zwi amba hani? A thi ni ḫivhi. Hu na muñwe musadzi a re na TB. No fhola, khaladzi. A ni fhañutshedze. Ndi humbela pfarelo, no vha ni tshi khou rabelela musadzi a re na TB, ngauri ndi musadzi wa ḥoho i re na mmvi. Iina. Zwo luga, zwi tendeni. Zwo luga. U fhano. Ndi Vhuhone Hawe.

²⁰⁰ Zwino, ngezwi zwe A amba, “Izwi zwiga zwi ḫo vha tevhela avho vhane vha tenda. Arali vha tshi vhea zwanda zwavho kha vhalwadze, vha ḫo fhola.” Naa A nga zwifha hani? Ni a vhona, a zwi kha Ene, a zwi kha nñę, zwino zwi kha inwi. Zwino ni tende.

²⁰¹ Ndo sedza musadzi muñku o dzulaho murahu henefho zwenezwino, u na lutendo lunzhi. Ene na munna wawe vha kha di bva u ḫa kha Murena. O dzula henefho mutanganoni, o ḫo vha na buli le dokotela a vha a tshi khou yo li ara khae phandanyana fhedzi, huno lushie lwawe lwo vha lu tsini na u bebiwa. Huno dokotela o vha a tshi khou yo ara ngavhuya, fhedzi lushie lwo bebiwa huno a vha tsha wana henia. Yo ṭuwa yothe. Ni a vhona? Mulandu? O sokou dzula vhunga... Na

kathihi ho ngo vha hafha kha pulatifomo nga u ralo. O sokou dzula murahu heneffo huno a zwi tenda. Naa izwo ndi zwone, Vho-Mme Green, ndi tenda uri zwo ralo, murahu heneffo? Izwo ndi zwone. Ni a vhona tshanda tshawe? Dokotela ha khou wana buli, lo ṭuwa tshoṭhe. Ndi ngani? O zwi tenda, o tou bva fhedzi huno a ri, “Ndi zwone!”

²⁰² Zwino inwi itani zwenezwo zwithihi, huno u thuphea huńwe na huńwe hune na vha naho hu do tea u ṭuwa. Mudzimu, Ane a nga—Ane a nga rumela Tshińwe ngomu muvhilini wa muthu, kha itsho tshirunzi tsha uho u luńwa nga nowa he ha vha hu kha mulenzhe wa uyo munna, tshi tshi khou džhenisa mulimo, u mu vhulaha, huno a nga tshi imisa nahone a tshi vhulaha heneffo, ndi zwinzhi zwingafhani zwine A nga vhulaha malwadze muvhilini wańu. Ngauri, uyo munna o vha e kha khanganeo huno o do tea u vha na thuso. Inwi ni a tea, na inwi-vho. Arali ni si nayo, ni a fa.

²⁰³ Zwino dzulani no vheana zwanda. Ni songo dirabelela, inwi rabelelani muthu a re tsini hańu. Izwo zwi nga zwa Tshikriste.

²⁰⁴ Difunzeni izwi, difunzeni izwi, zwauri, sa zwine na ita kha vhańwe, ni ita kha Kristo. Musi ni tshi vha wavhuđi kha muńwe muthu-vho, ni khou vha wavhuđi kha Kristo. Arali muńwe muthu-vho ni sa mu fari zwavhuđi, a ni khou fara Kristo zwavhuđi. Yawee, nnenñe!

²⁰⁵ Oo, arali ndi tshi nga ita itshi uri tshi fhire, arali ndi tshi nga tendela vhathu u tshi vhona, tshe nda tshi sedza na tshire nda khou tshi pfa, na tshire nda tshi ḋivha tshi no khou bvelela, ni a vhona. Nga ndila ine Kristo a khou sukumedza nga murahu ha uyo Mulaedza matsheloni ano, u dzhena heneffo fhasi ngomu mbiluni dza vhathu huno a sika tshińwe tshithu heneffo; hu si munyanyuwo, hu si vhudipfi (zwi da nazwo), fhedzi u sika lutendo lu sa fi heneffo lune lu nga si ambe, uri Ḇeani swina intshi.

²⁰⁶ Zwino, U do pfa thabelo yanga, U do pfa yańu. Inwi rabelelani zwino, musi ndi tshi rabelela vhoinwi noṭhe.

²⁰⁷ Oo Murena, itshi tshifhinga tshihulwane tsha ndeme, ri a limuha uri itshi tshi khou yo amba phambano vhukati ha lufu na vhutshilo, kha vhanzhi. Huno ndi a tetemela Vhuhoneni Hau, ngauri ndi a zwi ḋivha, Murena Mudzimu, uri ndi fanela u rabela nga mbilu yanga yoṭhe. Ndi a limuha uri naho hu si nga vhi na muthu a lwalaho vhukati hashu nga mińwe miniti mińanu, uri muthu muńwe na muńwe fhano u do limuwa uri U fhano. Ngevha vho ima matsheloni ano, Murena. I ri avho vhathu vha imise zwanda zwavho vho zwi ḋivhaho uri a thi vha ḋivhi, na tshithu nga havho. Fhedzi Muya Wau u a vha ḋivha. U ḋivha tshiphiri tsha mbilu yavho, U ḋivha zwingafhani u thuphea havho na thambulo dzavho! Zwenezwo, Murena, i ri

zwi vhe ḥamusi, i ri zwi vhe zwino zwauri Muya Wau u do kwama mivhili yavho i lwalaho. Zwi tendele, Murena. Vha khou rabelisana.

²⁰⁸ Huno ndi a rabela, Mudzimu a Funwaho, uri Muya Mukhethwa u do zwi ita zwa vhukuma nga maanda khavho, uri na kathihi vha nga si tsha dovha u sa zwi tenda. Huno hu na vhuriwe vhulwadze, Murena, vhune ha vha vhuhulwane nga kule u fhira uvhu vhulwadze ha nama, ndi vhulwadze ha maya. Ngavhe mbilu iñwe na iñwe i tshi vulea.

²⁰⁹ Murena, zwi nga vha hani zwauri Wo ima heneffo tsini na Abrahamu, huno wa shuma zwenezwi zwithihi, wa vhudza Sarah we a vha e “murahu” Hau, Luñwalo lu ri, “denndeni a sea,” huno Wa mu vhudza. Huno Abrahamu a limuwa uri uyo o vha e Elohim, Mudzimu muhulwane. Nga miniti i si gathi Wa phinyela.

²¹⁰ Huno, Murena, musi Yesu o ima huno a ita zwenezwo zwithihi, huno a ri, “No vhidza Abrahamu ‘khotsi’ aq̄u, huno naho zwe ralo ni ri ni divha Mañwalo.” Ha pfi, “Ni a khakha, nga u sa divha Mañwalo naho hu Maanda a Mudzimu.” Huno vha Mu vhidza “Belesebulu.”

²¹¹ Fhedzi Wo fulufhedzisa zwauri mađuvhani a u fhedzisela U do shulula Muya Wau hafhu. Muporofita o ri, “Nga tshifhinga tsha nga madekwana hu do vha Tshedza.” Huno ngezwi ri hafha.

²¹² Musi ili shango la vhułondolo li tshi khou shanavhiđa fhasi ha tshivhi, vhunga munna o kambiwaho a tshi khou pepeleka hayani vhusiku, hu si kale li do thuthubiswa vhukati, hu nga si vhuye ha vha na buse la thavhandubi, la shaea, lo salaho lało. Huno ri vcona tshifhinga tshi tshi khou ḫuwa.

²¹³ Oo Mudzimu, tusa u timatima huñwe na huñwe kha riñe. Ri sudzulusele ngomu ha uyo muthevheñhandu zwenezwino. Iđa, Muya Mukhethwa. Tharamudza phapha Dzau khulwane, alama kha avha vhathetselesi vhatuku vha vhathu zwenezwino, huno u Didadze ngomu mbiluni dzavho, nahone u vha divhadze zwauri Ú Vhuhoneni Vhukhethwa, uri ndi Iwe, “Ndi nñe Murena A fhodzaho malwadze au othe.” Huno ngavhe Vhuhone Hau vhu tshi ita tshiñwe tshithu kha mbilu dzavho tshine tsha do vha ita uri vha ḫuwe fhano, matsheloni ano, vha tshi tenda nga zwe the zwi re ngomu havho. Huno ngavhe muthu muñwe na muñwe a lwalaho na u ḫuphea a tshi fhodzwa.

²¹⁴ Ngauri, sa mulanda Wau, ndi a ima na u haṭula diabolo muñwe na muñwe, u haṭula vhulwadze, u haṭula Sañhane.

²¹⁵ Wo kundiwa, nahone a u tshithu nga nnđa ha tshishushedzi. Huno ri a u ramba khaho matsheloni ano, nga Dzina la Yesu Kristo. Huno sa mulanda Wawe, a no khou rera Ipfi ḫawé huno a tshi khou vhudza vhathu Ngoho, u luga na u vhambelana na Ipfi la Mudzimu, ndi a u haṭula, Sañhane,

nga Dzina la Yesu Kristo. Tuwa kha muñwe na muñwe wa avha vhatħu vho daho vha tshi bva kule na tsini, u fhodzwa. Iwe tuwa kha avħa vhatħet shelesi na kha avħa vhatħu. Ndi a u laya nga Mudzimu a tħilah. Huno Bivhili yo ri, “Thabelo ya maanda, ya vhufuteleli ya munna o lugaho i do kona zwinzhi.” Huno vhanna vhanzhi vho lugaho vho vheaw wa zwandha zwavho kha vhalwadze, matsheloni ano fhano. Oo, Sathane, u do takalela u vha ita uri vha elekanye uri ho vha hu nne, zwenezwo u do dzhia vhugala khavho. Fhedzi ndi lutendo lwavho kha Mudzimu, na vhone-vho, vha tenda Mudzimu! Huno u do tea u sudzuluwa, nga lutendo lwavho. Ngauralo dzhia lwendo lwau u bva hafha, huno u dzhene swiswini la nnda hune ha vha hau. Ndi a u haqula, nga Dzina la Yesu Kristo, nga maandalanga a Bivhili ya Mudzimu, ndaela yanga nga Muruňwa. Zwino tuwa, nga Dzina la Yesu Kristo, huno u vha litshe vha vhofholowe. Amene.

²¹⁶ Naa ni a tenda, nga mbilu dzanu dzothe, uri no fhodzwa? Imisani tħanda tħanu, ni ri, “Ndi ḥanganedza Yesu Kristo zwino sa Mufhodzi wanga. Mirunzi yothe yo ntsiruwa. Ndi a Mu ḥanganedza zwino nga vhudalo ha maanda Awe, kha u fhaṭutshedzwa ha Vhuhone Hawe. Ndi a Mu ḥanganedza.”

Lutendo lwanga lu sedza kha Iwe,
 Iwe Ngwana ya Khalivari,
 Mutshidzi mukhethwa;
 Zwino mpfe ndi tshi rabela,
 Tusa zwivhi zwanga zweħħe,
 U songo ntendela ndi tshi pambuwa
 Kha Iwe nda ya thungo.

Zwino kha ri imise zwandha zwashu lu difħaho vhukuma kha Ene zwino.

Musi ndi tshi kanda gondo la swiswi la vhutshilo,
 Huno maṭungu a tshi phaḍalala u mona na nne,
 Ivha Muendedzi wanga, Oo Mudzimu;
 Vhudza swiswi li vhe masiari,
 Fhuluja maṭungu, dzinyofho kule,
 U songo ntendela u pambuwa
 Kha Iwe nda ya thungo.

[Mukomana Branham u thoma u nuna *Lutendo Lwanga Lu Sedza Kha Iwe*.—Mudz.] . . . tħilidzi tħo pfumaho!



Tshivhidzo Na Nyimele Yatsho
(The Church And Its Condition)
Thangule 5, 1956, Swondaha nga Matsheloni

Khoro Ndi Thukhu
(Strait Is The Gate)
Thafamuhwe 1, 1959, Swondaha nga Matsheloni

Tshivhidzo Tsho Fhuriwaho, Nga Shango
(A Deceived Church, By The World)
Fulwi 28, 1959, Swondaha nga Matsheloni

Heyi Milaedza nga Mukomana William Marrion Branham, yo newaho nga Tshiisimane Thaberanakejeni ya Branham kha la Jeffersonville, Indiana, U.S.A., yo dzhiwa kha rekmodo dza theipi ya maginete huno ya gandiswa nga Tshiisimane. Heyi thalutshedzo ya Tshivenda yo gandiswa nahone ya phađaladzwa nga Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org